

EQVITIS POL



7580

Prophetia S. Faldegardis Brocui J. xv.
Fol. 465.

Saluatores nominantur. ab Equite. fol. 4.

1626
Ioannis Broscii Curzelomensis
Medicini Doctoris ordinarii
Astralogi. post mortem ipsius
Bibliotheca maioris Collegii in
Academia Cracouiensi. rogat
autem ut omnia quae hic inser-
ta sunt, integre ad posteritatem
conseruentur alioquin unitatem hanc.

Destruenti anathema
Conseruanti benedictio.

intellectus
iudicat
veritatem

IX. 10. 1.

Contactus.

ad punctum

Vulgaris hic oculus caligabit diffidens plurimum.
Procul este prophanus.

inter 9 et 10 repetitur Proca Davidowa Zahorsenii Calisii impo-
sa isti loci non exprimitur, eipsum malitiam ab ipis legibus consensum
sub nomine Zahorsenii 150 conferente evangelizans. omni animi quod in 150

continentur egi auduit ex ore Frederici sedentis
legibus. gaudium et alii. Zahorsenii vero pungen-
tiorum studuit utque Bursum consuevit, nulli modo
Contenta in hoc volumine fore potest alio, quam
ex relatione sapientium

- 1 Equitibus Poloni actio in lasintay parma
- 2 Spongia contra Equitum Rofui
- 3 Actio Arnaldi in Parlamento Parisiensi
- 4 Paderatui de rudiculis
- 5 Ad Pauli quinti per Republica Veneta Oratio
- 6 Gracy Deliberatio de compescendo emendi coram legum
- 7 Odiponiz na Ardyhat pperante legum
- 8 Responsio ad representationem legum
- 9 De Ignatio Corneo Zahorsenii Calisii
- 10 Obstatum pperante legum
- 11 Tanya obitui pperante procy
- 12 Vindicta aduersus Zahorsenii
- 13 Computatio comitum Zahorsenii
- 14 Enuntiatio Borassi stylo diuissimo
- 15 Gracy pperante, Consens.
- 16 Epistola eadem ad quendam
- 17 Ad senatus Regni Polonici scripta Lepian
- 18 Widoz statutorum legum. Xaverio obitui
Destinatio amaldama
Consensum benedictio.

Iam. Manana Hispania lapsa. hinc 120
 Antiqui temporibus qui ex Monachis Episcopis assumunt
 Officia exhibent numerum vix hinc, restat etiam
 vix aut alterum eorum non tam vix integrum
 quam magis antequam antequam eorum esse perfectum
 consideramus. Vix hinc vix caput.

pedagog.

19

vario

Cism. 5622 - 5640



Pedag. pol. 202 - 220.

XIX. d. 24.

*Perpetua tua laus vivet nec Naiman Doctor
Gloria decrefcens te tua deſtituit.*

209

*S.T. V.R.M.I.VS
ſhryceniſ.*

Prozel

**R E S P O N S I O
A D F A M O S V M L I -
B E L L V M à P A T R I B V S
Societatis in Academiam Cra-
couienſem ſcriptum, & no-
mine Reſteſtationis
vulgatum.**



Perth, 2nd Dec. 1862.
Dear Sir,
I have the honor to acknowledge the receipt of your letter of the 27th inst. in relation to the above named subject.
Yours faithfully,
J. T. [illegible]

REPORT
AND
STATEMENT
OF THE
SOCIETY
FOR THE
REFORMATION
OF THE
JUVENILE
OFFENDERS
IN
SCOTLAND
FOR THE
YEAR
1861

Printed by
J. T. [illegible]



Reprotestatio

P. P. SOCIETATIS IESV CONTRA VNI-
VERSITATEM CRACOVIEN. AD PRO-
TESTATIONEM PER EANDEM VNIVERSITATEM
institutam, de vsurpatione studii, ac disputatio-
ne, à dictis Patribus facta.

Anno Domini 1622. die Iouis, 28 Iulii, Reueren-
dus Pater Valentinus Ruscovius, Procurator infra-
scriptus, præsentem Protestationem coram me nouam ex-
hibuit, & requisivit, vt eandē Magnifico & Admodum
Reuerendo Patri, Rectori Vniuersitatis intimarem, &
super his Instrumentum conficerem, præsentibus Ve-
nerabilibus Dominis, Ioanne Prawicz Altaristæ Eccle-
siæ Cathedralis Cracouiensis, & Hieronymo Gutkow-
sky Altaristæ Ecclesiæ Parochialis Beatæ Mariæ Vir-
ginis Cracouiæ testibus.

GEO VALENTINVS RUSCOVI-
us Procurator Prouinciæ Polonia Societatis Iesu,
nomine Reuerendi Patris Georgii Tyßkiewicz
Præpositi Prouincialis eiusdem Societatis, & ipsius Socie-
tatis, coram vobis Domino Notario publico ac testibus hæc
præsentibus, ad perpetuam rei memoriam, & ad omnem
bonum & necessarium effectum, omni meliori modo quo li-
cet & opus est, salua integra charitate ac beneuolentia sin-
cera dilectionis erga Vniuersitatem Cracouiensem & o-

omnes ac singulos eius Professores ac Studiosos, eiq; adhaerentes, propono & dico. Quòd hoc Anno 1622. Mensis Iulii die 13 horis pomeridianis, dum more in Capitulis Prouincialibus seruari solito ab aliis Ordinibus Regularibus, & Monasteriis, in simili conuentu seu congregatione nostra Prouinciali, quam nostra Societas statutis temporibus, propter priuata sua negotia habere solet, disputatio Philosophica, ab uno e Societate nostra religioso, intra domesticos parietes haberetur, & pacificè cum assistentia Illustrissimi ac Reuerendissimi Domini Laodicensis Episcopi ac Suffraganei Crac. & Illustrissimi Domini Generalis Capitanei Crac. & variorum Dominorum Canonicorum Ecclesie Cathedralis Crac. nec non aliorum nobilium, & plurimorum auditorum diuersi status, esset inchoata; quidam Domini Professores Vniuersitatis Cracouiensis, cum Notario publico à Magnifico & Admodum Reuerendo Domino Rectore dictae Vniuersitatis (viri dicebant) venientes cum scripta Protestatione (ut postea agnitum) multis iniuriosa, & rebus non veris respersa, iurisdictionemq; Vniuersitatis ad ea, ad quae nullà habet, nec vnquã habuit, imprudenter & parie extendente, meritoq; tunc à Patribus Societatis Iesu non recepta, sed reiecta, Religiosi domiciliū immunitatem, quietem, & pacem Ecclesiasticis Canonibus, Summorum Pontificum decretis & privilegijs, Regia autoritate stabilitam violarunt ac perturbarunt; inchoatam disputationem, nulli iniuriosam, nemini praeiudican-

tem, in iurium & priuilegiarum Vniuersitatis Cracoui-
ensis præiudicium non institutam, Consuetudini omnium
Ordinum & Religiosorum ubiq; terrarum usitata, landa-
ta & recepta similem, Sedis Apostolicæ iteratis etiam Pri-
uilegiis fundatam, Illustrissimi ac Reuerendissimi Domi-
ni Episcopi Cracouiensis loci Ordinarii, & dictæ Vniuer-
sitatis Cancellarii menti conformem, dissipare conati sunt,
sermone primùm & scripto, porrecta licet non acceptata
Protestatione, præferente manifestum sedis Apostolicæ, eius-
q; Priuilegiarum, necnon autoritatis Regiæ contemptum,
iniuriarq; Sancti domicilii, & Collegii S. Petri, à Sere-
nissimo Rege ac Domino nostro clementissimo Sigismundo
III. Patribus Societatis in hac vrbe, in Sancta Ecclesia
ac Republica bonum fundati & erecti, & offensionem
Nobilissimorum virorum præsentium, danteq; magnum
præsentibus scandalum & occasionem ad seditiones & tu-
multus sanguinarios. Et hoc non contenti supradicti Do-
mini Academici per quendam Magistrum primùm, dein-
de per Sapientem (ut vocant) Vniuersitatis aliquoties
voce elata, nomine supradicti Magnifici & admodum Re-
uerendi D. Rectoris iusserunt sub pœna Excommunicatio-
nis (licet sine ullo iure ac robore) auditores è loco disputa-
tionis discedere, quanquam irritò conatu, & contemptum
(iusto Dei iudicio) variè usurpata seu prætensa eo in loco
& actu autoritatis & iurisdictionis adferente. Deinde
finita disputatione, in auditorum Nobilissima & frequen-
tissima

riſſima corona, quam locus ſat amplius capere non pote-
rat, variorum præter alios ſuprà commemoratos, Uniuer-
ſitatis Maſtrorum, Baccalaureorum, aliorumq; Studi-
oſorum honorifica præſentia condecoratus; quidam ex a-
lumnis ſeu Studioſis Academia ipſis benè noti, ad incre-
mentum inchoati tumultus, multiplicis iniuriæ, ſæpius The-
ſes Philoſophicas & Theologicas à portis dicti Collegii &
Templi S. Petri, violente ac tumultuariè iniurioſeq; cum
ſcandalo Hereticorum & Catholicorum auulſerunt, lace-
rarunt, combuſſerunt, domicilium S. Petri templo adia-
cens à Sereniſſimo Rege Patribus Societatis Ieſu in eorum
Collegium emptum ac donatum ſapè lapidibus nocturno
tempore inuaſerunt, fenestrâq; aliquot iis è platea publica
violente & ſtudio nocendi iactatis confregerunt. Po-
ſtea Theſes Theologicas ex Summa doctrina Theologica S.
Thomæ Aquinatis excerptas ipſis valuis interioribus Ec-
cleſiæ Regiæ SS. Apoſtoliſ Petro & Paulo erectæ, affixas
ſapè auulſerunt, manibus primùm, deinde cum altiore loco
eſſent appoſitæ ferro quodam instrumento, impetu factò abſ-
traxerunt, idq; dum Sacrificium Miſſæ Domino offerre-
tur, maxima populi frequentia, ſacras nouorū SS. Cano-
nizatorum, nuper cum publica in locum Caremonia illa-
tas colentis. Hoc non contenti alias Theſes auulſarum lo-
co fortiùs affixas, maiore vi ac impetu aggreſſi, luto ac ſor-
dibus conſperſerunt, tanta violentia eas conati auellere, ut
etiam in ea violentia lapidem è templi interioris pariete
tumult-

tumultuariè extruserint, alioqui validè adhaerentem muro
Et benè impactum, cum magna Dei inprimis, Sacrificij
Missæ, Sacri loci, Regisq; Serenissimi iniuria Et contem-
ptu, necnon cum manifesto scandalo Et certissima occasio-
ne ad seditiones lethales cadesq; per hos iniustos inuasores
data. Postmodum die 17. Iulii dum in Ecclesia dicta SS.
Petri Et Pauli præsentè Illustrissimo ac Reuerendissimo
Domino Episcopo Laodicensi ac Suffraganeo Cracouiensi
Et Domino Generali Capitano Cracouiensi alijsq; Do-
minis Canonicis Ecclesiæ Cathedralis Cracouiensis, pluri-
maq; nobilitate, Et aliorum omnium auditorum frequen-
tissima præsentia inchoata est Et Theologica disputatio, ea-
dem occasione Congregationis Prouincialis (quæ tunc fi-
nem accipiebat) Et nullam aliam ob causam (vbi etiam
disertis verbis 8. Iulii longè ante primam disputationem si-
gnificatum fuit, à Reuerendo Patre Rectore Collegii S.
Petri per duos Professores à suprascripto Magnifico Et Ad-
modum Reuerendo Patre Rectore Vniuersitatis ad eum
missos) quidam DD. Professores Vniuersitatis aucto su-
orum numero, eo ferè, quo 13 die, modo venerunt, turbantes
noua Protestatione sua, Et exclusionè auditorum ab ea
disputatione per Sapientem Vniuersitatis proclamata, Et
violantes pacem Et immunitatem loci Sacri, Et disputa-
tionis quietem, cum Dei inprimis Et loci Sacri, ac Serenissi-
mi Regis iniuria, contemptu nobilissimorum auditorum,
gravi scandalo omnium, Et magna occasione per eos data
ad sedi-

ad seditiones, & tumultus, & cades, omnemq; pacis, quâ
primata, quâ publica perturbationem. Quocirca de his o-
mnibus & singulis coram vobis Domino Notario publico
& testibus presentibus protestor, & reprotector nomine quo
suprà, omni meliore modo quo licet, & opus est, tanquam
de multiplici iniuria illata Deo, loco sacro, Sedi Apostolica,
Serenissimo Regi, PP. Societatis Iesu, aliisq; temerariè,
iniuste, sine ulla iusta occasione ab eis data, saluo Iure ad-
dendi, minuendi, corrigendi &c. &c. prout ius & stylus
iudiciorum permittet &c. Salua inprimis sincera chari-
tate ac beneuolentia PP. Societatis Iesu erga Vniuersita-
tem Cracouiensem omnesq; eius Professores & adherentes.
Anno Domini 1622. die 28. Iulii.

VALENTINVS RVSCOVIVS
Procurator Prouincialis Poloniæ
Societatis Iesu manu propria.

Respon-

Responsio.

Egi Scriptum Patrum Societatis IESV contra Vniuersitatem Crac. scriptum famosum, mordax, rancoris & amaritudinis plenum; legi, inquam, & miratus sum, talia à Societate proficisci, illà, quæ se in summo perfectionis positam iactat, quæ se Magistram morum & reformatricem mundi profitetur. Quid faciemus nos cæteri, qui ab ea exempla vitæ expectamus, si talia nobis dantur? O charitas, quàm malè habes, malo hoc ævo, quàm inanis tui imago, non nisi oculos hominum fascinat, vbi vel maxima esse deberes, fucus tui & phaleræ inanes relictæ nobis, tu cum bonis maioribus nostris candida & simplex virtus in cœlum abiisti; pepulit te terris superbia, vanitas, contentio. Scilicet cum Patres totam Poloniam replessent suis Scholis, nullam se Scholam habere arbitrati sunt, nisi vetere Regia, & in hoc regno principe, eversa, in specula huius vrbis manducū alicuius collegioli suis erigerent. Nec satis illis est tot sua habere, nisi alienum Collegium malis artibus occuparent. Charitati se studere inquit. An non magnum eius exercendæ theatrum, est regnum hoc amplissimum, cum charitati plerunq; aliquid minus sufficiat? Quod si ambitioni & vanæ gloriolæ, illi nec Cracouia nec quicquā suffecerit. Ad terminum ergo scholarū properant, & caput illis hic erigere conantur. An quia in suis iam desierunt, hinc incipere nec quicquam sperant? Caput Regni est Cracouia; Caput scholarum Iesuiticarum decet ibi esse. Si deceret Societatem quodcunq; pulchrum & magnum alienum inuadere & inuolare; Deum ego & nomen IESV tremendum testor, nullam causam nos huic cupidini Patrum præbuisse, atque adeo eos aliam nullam habere, quàm insolentiam ambitionis; quò euasuram, ille scit, qui & eiusmodi libidinem vindicabit.

B

cabit. Jam quod ad Protestationem attinet, testis mihi veritas sit, an illi eadem necessitate adacti sint ad famosum calumniosum libellū contra Vniuersitatem vulgandum, qua Vniuersitas ad Protestationes, quæ scilicet defensionis causa sunt factæ, & vt Priuilegia Regia, beneficentiaq; domus Iagellonica in Academiam conservaretur. Patribus verò defensionem, iure naturali concessam, pro iniuria accipientibus, & contumeliosè differentibus, testor IESUM, charitatem illam, cui abscondita cordis patebunt in die novissima, acerbius, contumeliosius, magisq; falsè non potuisse ab eis exagitari homines ab Ecclesia rescissos, quàm nos corpus & sanguinem suum, ut iam fidem charitatis in persequendis sectarijs seruandam, etiam in admonendis suis amiserint. Tempus hoc scilicet illis visum eiusmodi concertationibus & scandalis opportunum, dum ira Dei in vitia nostra exardescit & sæuit: dum cum bello, fame, & peste pugnamus; mordeamur consumemurq; adinuicem, quotquot à flagellis Dei super sumus. Non ita parentes nostri illi boni, & candidi, qui alter alteri conciliari, noxas dimittere, & orationibus placando furori divino incumbere consueuerant. Dum verò Academia eiusmodi contentionibus & scandalis nullam occasionem dedisse, coram Deo & Angelis eius testatur: videant Patres, ne ibi extremam confusionem ferant, pro gloriola huiusmodi, quam aucupantur.

Vt verò rem, ut est, beneuolo lectori, aperiam; malum hoc odij Societatis in nos effusum est, tūc, quòd rogati ab eis, pompæ Canonizationis S. Ignatii non interfuerimus: tūc quòd clandestinis machinationibus eorum, de inchoando studio Cracouiæ, publicè, palàm & candidè obuiam ierimus. Non interfuimus pompæ (inquam) D. Ignatii rogati ab eis, cū postmodum solennitati B. Terefiæ magna frequentia adfuisse-
mus. Hoc Patribus dolet; sed eadem opera omnes ciuitatis huius Religiosos Ordines, omnem clerum infectentur, qui ro-
gati iij-

gati itidem, vel nulli, vel rari, ad ornamentum illius triumph
confluxerunt. Qua causa, quo animo, id alij fecerint, non dis-
puto: Academicis pro ratione voluntas satis esse potuit, vbi
nulla fuit agendi necessitas. Sancti vestri ornandi erant, in-
quietis? Ab hac verò officiositate communi omnium consen-
su & exemplo excusari poteramus. Sed quid si illa Religio no-
ua, res nouas contra Academiam excitabat? Si in illa pompa
hamus erat, quem nos in perniciem Scholæ Crac. voraremus?
si sub illo pallio pietatis latebat presens periculum & perniciēs?
Nimium imprudentes fuissetis, si artibus vestris jam probè
exploratis concessissemus. Dominus illius domus, quam inco-
litis, anni sunt plus minus quinquaginta, cum non posset ob-
tinere à vicina domo. Academica, ut sibi parietem officientem
illius lumini erigere liceret; ad artem conversus præfectos vi-
cinæ domus inuitat ad epulum, tractat, retinet, ac dum illi
immorantur indulgentes genio, conuocatis vndequaq; fabris
cæmentariis, parietem quantum opus fuerat profert, arteq; id,
quod iure non poterat, obtinet. Successistis Vos in locum &
stratagemam, occupatisq; vestræ pompæ sollenitatibus Aca-
demicis, nec rei suæ aduigilantibus, parietem nouæ scholæ, con-
tra veterē proferre cogitabatis. Sed vt lector melius intelligat,
quæ controuersia inter hos & Patres hucusq; fuerit, quæ ma-
ter talem filiam, qualis est Protestatio Iesuitica, genuerit, pau-
cis interim attingo.

Elapsis annis, Patres omnibus modis in id incumbabant,
capitaq; regni eò inducebant, vt sibi studium Vniuersale Cra-
couiæ, atq; adeo Academiam, quæ esset in regno princeps, ex-
citare liceret. Multis illi rationibus & modis id obtinere co-
nati sunt, & antequam obtinerent, summa cum fiducia sæpius
per totam Poloniam vulgarunt, iam se Collegium Cracouiæ
habere, iam eò iuuentutem confluere. Professores tales & ta-
les docendo ibi designatos. Mouit hæc insolentia Academi-

eos, vt conatibus eorum palam obuiam irent: multa hanc in rem ab illis acta, multum negotium hoc agitatum apud Illustrissimos Regni huius Senatus principes, Serenissimumq; & Clementissimum Dominum nostrum, oratum ab eis, & supplicatum, ne onis hæc Regni huius vnica, Collegium Crac. occideretur, & hominibus opulentis, tot Collegijs florentibus in epulum apponeretur; Implorati Diui Manes Proauorum suæ Sacræ Maiestatis, inprimis verò D. Iagellonis, qui post multa ornamēta & prærogatiuas Scholæ huic concessas, dira execratione posteros suos obligauit, ne suam hanc filiam violare & attingere auderent. Fortè eius execrationis, per Patres contemptæ & violatæ, diris totum Regnum affici, cum publicis & priuatis calamitatibus sese explicare non potest, ab eo tempore, à quo Iesuitæ suffodere non cessant religiosa Musarum templa à D. Iagellone fundata. Esse in cœlis locum iustitiæ, esse pietati, eamq; Academiam implorare in terra, pro salute sua & incolumitate, contra libidinem & petulantiam alienam, cui quantumuis plurimum des nunquam satis est, nisi alienum accipiat. Plures se doctos genuisse vnico Collegio triginta, quàm Patres quinquaginta annis, triginta Collegijs; Fidem se appellare illius sæculi verè literati, quod Patres in Poloniam venientes hîc inuenerunt, & à quo meliores sui Ordinis animas, in Academia certè institutas, commodarunt. Suos foetus esse Hosios, Cromeros, Orichouios, Socolouios, Patricios, contra quos vel vnum his similem à Patribus postulare. Non inuitam se dedisse Societati Herbestos, Grodzicios, Scargas, Laternas, & cæteros, quorum similes hoc æuo degeneres Patrum scholæ nunquam proferent. Scilicet se literas vt immensas tractare, non limitibus, cancellis inclusas vulgò venditare; Vitam duntaxat scientiis dari debere Academicum est: porrò tres, quatuorue annis illas disci, Societatis; Vtq; hoc Patrum, nec perennare posse, & propius excidio literario esse; ita il-

Id Academicum vetus studium, contentionem fovere, ingenia
excitare, in summumq; apicem literarium efferre. Multum in-
teresse inter id sapientiæ, quod popolare dicimus, mulierculis
gratum, & illud solidum, excelsum, paucis & magnis notum,
veræq; gloriæ vicinum. At florent duntaxat Patres? Vtinam
non efflorescant: Principia omnium rerum sunt ad speciem,
sed ex maturitate & soliditate earum vsum æstimari pruden-
tibus. Periculum esse Academiæ factum, & expertam ducen-
tis amplius annis virtutem, temerè cum nouitate Patrum com-
mutandam. Testari totum hoc Regnum Academiam, an per
ducentos annos rem alicuius expetierit? an rapuerit? an frau-
di alicui & nocumento sciens fuerit? an non suū potius amitte-
re & omittere, quàm alienum innadere, illi potius fuerit? Oratio
se Patres, ut sua felicitate contenti, pauperie Academica ab-
tinerent, exorare nihil potuisse; clām, palām, cominūs, emi-
nūs se peti, quietemq; literariam, qua nihil carius, ab homini-
bus inquietis turbari. Prudentiores & æquiores sibi fuisse ma-
iores illos Patrum; nunc filios pro eis natos homines turbidos,
ignorantes, melius an deterius Societas habebit, si Scholam
Cracouiæ erigat, modum cupidini imponere nolle. Nemultis
rem agam, Serenissimus Princeps, maioresq; Senatus Poloni, le-
gatis Academicis respondentunt; nunquam se in animo habere,
vt vetus Schola à Regibus Poloniæ fundata, detrimentum ali-
quod patiatur, neq; licere Societati Scholam contra Scholam
Cracouiæ, altare contra altare, vt vocant, erigere. Hinc iam
Patres duo conari obliquè. Alterum, vt sibi docere liceret Cra-
couiæ sui Ordinis iuuentutem, quomodo Ordines cæteri reli-
giosi docent. Alterum, pollicebantur se daturos operam, vt A-
ademicis Professoribus iungantur, in vnumq; corpus coeant,
vnamq; literariam prouinciā efficiant. Vtrumq; horum por-
rò in exitium scholæ Crac. cudebatur. Nam illud quidem cer-
tum erat, Societatem nihil commune cum aliis religionibus in

docendo habere; cæteros omnes religiosos suorum causâ pro-
fiteri, illos extraneorum; hancq; naturam & sacramentum
suæ religioni esse, & hinc, qualiscunq; docendi rimula aperta
fuerit, minimè quieturam, sed torrentis instar erupturam, emis-
sariis suis potissimùm nihil iam agentibus, instantibus, magis-
ue sibi obnoxios sollicitantibus, quàm vt occupata Scholis su-
is Polonia, urbem Regiam deleta veteri Academia inuadant,
iurisq; sui faciant. In Galliam recepta Societas, sub duris
conditionibus, quantum illis arctata est, tantum posthabito
earum nexu, quiduis in præiudicium Scholæ Parisiensis tenta-
uit, & artibus suis perfecit. Illud verò de vnione cum Aca-
demia, multò periculosius erat, si attractis in partem Iesuita-
rum aliquibus Academicis, communis rei cura & concordia
dissolueretur, & res ipsa periret. Qua in parte immanè quan-
tum laboratum à Patribus, submissi homines callidi, simpli-
citatem fingere docti, artibus mille instructi, qui animos eo-
rum Professorum tentarent, quos artibus suis magis capi posse
arbitrati sunt: Nec discrimen habitum, cuius notæ, cuius fa-
mæ ij essent, dum Academici dicerentur, & à partibus Iesuita-
rum starent. Sed meliores probè videbant, nunquam ritè coa-
litura studia & animos Patrum cum suis, quicquid dicerent,
promitterent; Unionem eos agere, non aliâ, quàm rei suæ au-
gendæ causâ: Alii capiti illos subesse, nec obedientiam sacra-
mento deuinctam valere excutere: vt uni capiti, & Academiæ
Rectori pareant, vnâq; functionem faciant. Institutum
vtriusq; toto coelo distare: Academiæ omnia aperta, candi-
da simplicia; illis clausa, cauta, testâ; à Iesuitis omnia agi, tra-
ctari, quasiq; omnium negotiorum in vita eos mercaturam
agere: Academicos vni rei deuinctos Principum aulas & pu-
blica quæq; ab illis: ab Academicis secretum peti & amari. In
ipsa Professione literaria, alio fine, alio modo iuuentutem in-
stitui in Scholis Patrum: alio in Academicis. Ignem aquæ
potius iungendum & Apulis lupis capreas, quàm filios libera

cum filiis seruæ, terroriq; debere esse nobis aliarum Academi-
arum vestigia, quæ potentia Iesuiticæ iunctæ societatem illam
leoninam expertæ, posteros monent exemplo suo, ne quid si-
mile faciant. Videbant ex his ritè Patres vnionem non suc-
cessuram, videbant auctoritatem publicæ eorum votis parum
respondere, videbant se Academiam à fronte aggredi non pos-
se; à latere ergo petunt, spargunt passim se studium Philoso-
phicum, Theologicum, certo modo à pompa D. Ignatii in-
choare velle. Secretum verò inter illos erat, collegij omnium
artium eadem operâ fundamenta & auspicia facere, vbi ea de
re antea solennis consultatio à Patribus Prouinciæ haberetur.
Pro possessione verò, vt vocant, Collegij & studij capiendæ,
disputationem celebrem Theologicam & Philosophicam ex-
hibendam, colore vel conuentus, vel celebritatis Diuorum or-
nandæ; Academicos ad hæc dormituros, partem eorum conci-
liandam, partem metu vel amore dissimulaturam commune pe-
riculum: Magnam occasionem esse aggrediundæ Academiæ,
pallium publicæ lætitiæ, & prætextum Religionis; nil auspica-
tius Societati posse euenire, quàm si solennitatem Sancti sui
Principis, cum auspiciis principis collegij in Regno iungat, &
alterum alteri præsidio fore, oppugnatores vel metu coër-
cendos, vel si hiscant, passim impietatis arcessendos. Hæc
ita à Patribus destinata, exitum non secundum habuere, &
nam pompa Beati Ignatii, cuius Maiestate sua consilia tege-
bant, non eum applausum, non frequentiam, non studia,
populi habuit, quæ sperabant: à clero, & ab omnibus Or-
dibus Religiosis Ciuitatis deserta, vt soli Patres, ijq; perturba-
ti eam efficerent. Iam quoad Academiam; inuitati fuere A-
cademici ad illam solennitatem, qui cum didicissent, præter
communia Patrum cogitata, eos pro vnione cum Academia
habituros, & passim vulgatueros, si vel semel in vnâ pompam
cum Academicis coirent, se in vnum corpus coiuisse: iam Aca-
demiâ velle Societatem ornare, & vicissim se ab ea ornari po-

stulare, iam docendi illis facultatem denegare non valere, quibus ornamentum pompæ dedit; confluisse frequentes, applausisse, & vt dicam id quod res est, funeri & exequiis veteris Academiæ nescientes & dementatos interfuisse. Parabatur conuiuium conciliandis animis; fiebant cætera, quæ ad speciem vulgo monstrarent, Iesuitas & Academicos iam vnum esse. Hæc & alia vbi Academiæ proceres perspexere, sensere; quanto magis Patres ambiebant concursum suum, tanto magis illi temperandum sibi à frequentatione Pompæ & Triumphi illius duxerunt. Pro insanis quippe fecissent, si solennitatem ornassent, cui tanquam escæ hamus inerat rei Academicæ perdendæ; cum potissimum magna pars vrbis, solo odio conatu Iesuiticorum & iniquitatis Patrum in Academiam subterfugeret, & sese subtraheret à Triumphis illis. Sed enim vos perrexisistis destinata exequi, disputationem celebrem, alteram Philosophicam, alteram Theologicam publicatis; ad eas ornandas quoscunq; potestis, accersitis. Re ad Rectorem Vniuersitatis delata, habitoq; concilio, decusum est, Protestationem contra disputationes vestras faciendam, ne illis scilicet ius Academicum quoquomodo conuelleretur, Scholaq; vetus detrimentum aliquod acciperet. Summa Protestationis erat: Iam pridem vos contra Scholam hanc res nouas moliri, contradictum vobis esse, & repugnatum, intercessisse auctoritatem magnorum virorum, vt ne quid contra eam tentaretis. Vos nihilominus, nescitur quo instinctu, disputationes Publicas, quæ iuris Academici sunt, audere facere, conatus veteres resumere, Collegium contra Collegium Regium excitare conari. Quæ si ita sint, testari se auctoritatem REGIAM, & Summi Pontificis, ad eosq; Academiam prouocare. Hæc ita conscripta per honoratos Professores, intimata vobis, non diffiteor, perturbatis conscientia male cogitatorum; & eo, quod conatus vestri in publicum producti essent, negotiumq; patefactum, quod

quod vos sine negotio perfecturos arbitrabamini. Intimata
Protestatione, Religiosi quotquot ibierant, & iuuentutis ma-
gna pars, vbi vidit disceptationem illam esse, non tam de Ca-
pitibus Philosophiæ, quàm Societatis & Academiæ, confestim
eam deseruit, soli quæ ij remansere, qui vlex Scholis vestris
ad Pompam confluxerant, vel impediti scabellorum concate-
natione, egredi non potuerant. Vos insuper odio habiti,
mussitatumque contra artes vestras, qui nihil ageretur, quod
non in fraudem & detrimentum aliorum esset. Successit so-
lennitas Canonizationis B. Theresiæ à Patribus Discalceatis
celebrata; Deus bone, quo concursu, qua congratulatione,
qua frequentia omnium Ordinum ciuitatis? Vniuersus cle-
rus, omnes Religiones, quæcunq; Cracouiæ Collegia sua ha-
bent, nihil non exprompserunt, quo charitatem in Religiosos
Patres Discalceatos, & deuotionem in Sanctam testarentur.
Non pauper, non diues, non ciuis, non aduena omisit quic-
quam, quo publicam lætitiā profiteretur demonstraretque.
Inter cæteros, Academia permultum pompam illam honesta-
uit, cum iuuentus magno numero ad funalia gestanda sponte
conflueret, cum Professores quotquot erant, in venerabilem
coronam conuenientes, maiestate Academica deuotionem re-
ligiosam exornarent, sola quæ Academia plus splendoris festo
illi adferret, quàm quid vsquam Societati fuit, qui sua solen-
nitate confusi, sine ordine & numero decenti, similiorem tu-
multui, quàm triumpho pompam egerint. Fremere ad hæc
Patres, indignari, posthabitos se & contemptos, religionem,
nouam studia Ciuitatis in se traxisse, eorumque documentum
ibi præstitum vbi maximè nolebant, exemplo ad hoc magno
Academiam fuisse. Scilicet palam facere Scholam Cracoui-
ensem, se nihil commune cum Societate habere velle, dissensio-
nem apertam & inimicitias profiteri, succumbendum sibi esse
in cogitatione Vnionis & concordie illius in tantum quæ sitæ
C cum Aca-

cum Academia, si ea cum quouis potius iugum ducere, quam cum Societate societatem ullam habere velit: Odio sui & contemptu negatam D. Ignatio processionem Academicam, concessam D. Theresiæ, idq; tum temporis factum, cum potissimi & principes Societatis Cracouiæ essent, ut non iam cum Iesuitis Cracouiensibus tantum, sed cum totius Regni inimicitia ab Academicis agi videantur. Vtinam aliud theatrum probro illi, quod tulit Societas, datum fuisset, quam vrbs Regia, in qua (cum in cæteris ciuitatibus Poloniæ regiè Triumphus Beati Ignatii actus sit) abiectè, sordide & perturbatè à Societate triumphatum. Ex his disputatio publica iterum constituitur in æde D. Petri, cui solæ mulierculæ Cracouienses adfuerunt, & satellitium nescitur unde petitum; dicebatur contra Academicos accersitum. De his somnium & sparsum, quasi ad impediendam disputationem eâ frequentia conuenire deberent, qua ad ornandum diem festum B. Theresiæ conuenerant. Iterata Protestatio pacificè & sine vlllo turbarum vestigio; dictum Patribus, oratumq; ab eis per charitatem Christianam, per salutem Regum Fundatorum Vniuersitatis, ne quid contra veterē Scholam mouerent. Perfecta nihilominus disputatio, confusis magis eo autoribus technarū (quod viderent suas calumnias de tumultu, modestiā Academicā detestari esse) quàm Protestatione. Quid actum sit postmodum à Patribus, palam non est nisi id, quod ex Protestatione ipsorum discimus; partu montium natum ridiculum murem, machinationesq; fauore hominum destitutas & desertas, à Deo ipso metu pestis ingruentis dissipatas anno hoc, qui similes præcedenti terroribus bellicis disturbauit. Dij nos tuentur, Dij pietas nostra & Musa cordi est, nec dubitamus, beatam illam mentem Iagellonis, cum Beato nostro Cantio pro Collegio à se fundato, ornato, quod tot animas Ecclesiæ Christi peperit, fæliciter ad tribunal magnæ iustitiæ postulare & interpel-

terpellare. Quid verò vos Patres? ne in vanum coijſſe, & concurſum magnorum Planetarum Cracouiæ habuiſſe videre-
mini, cum non valeretis perficere id, quod eſſet veſtrum, offi-
cere voluiſtis alieno, & commodum veſtrum incommodo al-
terius penſaſtis. Conſcitis igitur Proteſtationem detestan-
dis contumelijs plenam, ad illam ſymbola ex illo conſilio ma-
lignantium quiſq; veſtrum pro virili confert; in odium ma-
gnorum ac perniciem, ſi quis vobis credat, rem Academicam
inducere cogitatis, ſicq; perdere innocentes. De hac ego Pro-
teſtatione, famoſo & contumelioſo libello, coram illa cæleſti
& terrena iuſtitia ſto, oſtendoq; vos odio Academiae excæ-
catos, non tantum profeſſionem religionis veſtræ, ſed & Chri-
ſtianam exuiſſe, virulentiamq; talem monſtraſſe, qualis in ter-
ra vix reperiri poſſit. Eius rei ego vos conuincam & reos ef-
ficiam; & ne ludere videar, caloreq; aliquid dicere, ad quin-
quaginta intra calumnias, figmenta, contumelias, vanitates in
vna charta Proteſtationis veſtræ (adeò illa dives malæ mercis
eſt) vobis indicabo. Utinam eo vos meliores & quietiores;
Academia verò veſtrorum conatum & machinarum ſecu-
rior efficiatur.

*Anno Domini 1622 die Iouis 28 Iulij, Rndus Pater
Valentinus Ruſconiꝯ Procurator infraſcriptus præſentem
Proteſtationem coram me exhibuit, & requiſiuit, vt ean-
dem Magnifico Domino Reſtori Vniuerſitatis intima-
rem, &c.*

Proteſtationem hanc eſſe, prorsus falſum eſt; Contumeli-
am, calumniam, famoſum libellum, agnoſcet quicunq; leget.
Proteſtatio quippe, Patres, ſcitis qualis eſſe debet, & Procu-
rator eam veſtro nomine faciens, non debet ignorare, quid
rei, quid iuris in ſe proteſtatio continet, ne ſi quippiam aliud
ſcribatis, vulgetis loco Proteſtationis, ad talionem vel palino-

Adiam teneamini; quorum alterum vobis non innoxium, alterum non sine probro. Defendendi itaque & conseruandi iuris sui causa permiffa est Protestatio, potiffimum patienti iniuriam, idq; calculo vel rabularum forenfium; vefiro verò iudicio offendendi iuris alieni, calumniandi, fingendi instrumentum Protestatio erit. Et vellemus equidē aliud quidpiam Academicū aggreffi fuiffetis, quā famam, honorem admoliremini, quā criminis accusaffetis, tumultus, violationis ædificij Regij, contemptus suæ Maieftatis. Sed vobis nimium malis id maximē placuit, quo maximē confici poffe Academiam arbitrabamini; nempe illi, ad quos has chartas quoquo verfus per Poloniam fpargetis, ftatim habebūt fidem Societati, Academicosq; condemnabūt, violatores pacis publicæ, inuafores ædium facrarum, religionis diuinæ & humanæ contemptores. Credent vobis, inquam, hæc ita effe, quæ vos proteftando neq; explicare potestis, neq; veritatem ita occultare, quin fefe fingulis quibusq; verbis prodat. O execrandum animum veftrum; vix Hæreticus ea faciat, vt figmentis, fomniis fuis nomen Proteftationis præfigat. Ego equidem hucusque credebam, fi quid diceretis album, album effe: fi quid peccatum, peccatum effe; Nunc contrarium fentio, cum famofum libellum Proteftationis nomine, contumeliam manifefariam defenfionis titulo infcribitis. Reducere vobis in mentem debebatis, calumniatorem, nifi id, quod afferit, deduxerit, in terra ea poena, quæ plectendus erat calumniatus; in cœlo æterna confufione affici; In vos verò nomen cadere calumniatoris æterni, quinomen IESV æternum præfertis, etiam cogitatu durum. Patres malos, ait Dominus, filiis fuis non dare pro pane lapidem, pro pifce fcorpionem; quales iam eritis Vos Patres, qui pro communi Proteftationis & querelæ pane, quo vtimur in hac lachrymarum valle, lapidem nobis innocentibus, & pro pifce fcorpionem obijcitis? Vellem difceretis ab Academia.

(nec pu-

(nec pudere deberet) quâ ratione Protestationes à vobis scribendæ sint; videte illam Academicam, reuoluite. Quid ibi falsi? Ipsi veritatem semper agnouistis. Quid iniuriosi? Nunquam offensi estis verbis Protestationis, sed defensione. Quid contumeliosi, calumniosi? adeò nihil, vt hacipsa protestatione, quum meracissimam virulentiam vndiquaq; conquistam in Academiam effundatis, nihil tamen dicere possitis de calumnia & cõtumelia vobis illata. Comparemus obsecro vtramq; ex vestigijs protestationis, legat quisq; , animum, modestiam, prudentiam; vel quouis iniquissimo iudice obtinebimus: multa vos ab Academicis discere, multa veræ virtutis & modestiæ exempla capere posse & debere. Quòd si in capitali causa ira officium vestrũ deseruistis; si ita susq; deq; vos habuit cupido, & transversos rapuit vniuersos in vnumq; concilium congregatos; quid in leuioribus facietis? quid à singulis vestrum expectandum est? Defendendi ergo iuris sui causa Academia Protestationem fecit contra vos, pro iure sacro Regio antiquo, ab annis plus ducentis possessio; Vos quid? Protestatione vestra ita defensionem illam accipitis, vt quæ iure naturali omnibus concessa est, vestro arbitratu hominibus innocentissimis, quos opprimere vultis, eripiatur; ad hancq; rem accersitis figmenta, calumnias, eaq; Protestationem, si Diis placet, vocatis. Eadem ego opera lachrymas Crocodili verè lachrymas dixerim, nisi ea causa lachrymetur, vt aliquid deuoret.

2. *Ad perpetuam rei memoriam.* &c.

Naturale calumniæ est, non durare; Vos non solum calumniari, sed perpetuam memoriam calumniæ extare vultis. Ficta illa æterna non dubito, nulla quæ ætas obliuioni tradet, vos malis modis Academiam nulla sua culpa aggressos, contumeliosis diffamare conatos fuisse. Malum Pontificem olim sacræ literæ aiunt prophetaisse; te ego, Rusconi, illum ferè auguror, cum dicis, perpetuam memoriam fore. Ad omnes ætates ve-

Ira improbitatis æternum monumentum hæc Protestatio erit; Societatem Synodo facta falsas criminationes venenataq; commenta in vnum contulisse, Vniuersitatisq; collo necquicquam imponere conatam fuisse. Nec vlla marmorea pyramis tantum probri adferet ad posteritatem vestro Ordini, quantum hoc literarium monumentum, quod vobis ipsi technis & machinationibus vestris construxistis.

3. Ad omnem bonum effectum.

Etiamne bonum effectum, monstrum hoc Protestationis producere posse sperassem? Non potest malum seminium, bonum fructum dare. Vobis ille fortè bonus, quem cupitis, innocentem calumnioso ore deglubere, rem vestram augere detrimento alieno. Scilicet insueuistis sic vexandis hominibus Hæreticis: Licebat. At vbi ij desunt vobis, subtrac̃taque nocendi materia, ad quid, turbando Academiam Catholicissimam, cuius pietas toti Orbi perspecta, fides S Erenissimis Regibus probata, innocentia toti Regno commendata, bonum effectum speratis? Eundem obsessores viarum, eundem, qui harpagant aliena, exoptent. At frustra benè sperat, qui malè agit. Veneno hoc morbum inter Academiam & Societatem gliscentem sanari posse, ignem oleo hoc extinguere, rancore & rabie tanta charitatem restitui posse (cuius restitutio vestri officij erat) figmentis & commentis contumeliosissimis perniciosisque aliquid vos boni obtinere posse arbitramini? Intellectus bonus, & iustitia facientibus eam; qui verò ponit laqueum pedibus innocentis, incidet in ipsum; Conuertetur dolor mali in caput ipsius, & in verticem eius iniquitas illius descendet. Est Dei, est iustitiæ manus in terris, quæ eum effectum, in quem eudistis Protestationem vestram, in sinum vestrum reijciat: facientes malum consilium inuoluet illud, nec agnosceis, vnde adueniat vobis.

Ad neces-

4. *Ad necessarium effectum.*

Inevitabilis necessitas defendendi sui compulit Societatem ad protestandum, an libido maledicendi ad contumeliam? Vos ipsi iudicate. Necessitas illa hic est, quam dicunt Scholæ, effectum causæ suæ vinculo quodam naturæ inseparabili deinctum esse. Cantus auem, rugitus leonem, mugitus bouem, hinnitus equum, & singula animantia sua vox prodit; sic protestationis stylus, immodestia, fingendi libertas, rudicatem, petulantiam, impudentiam auctoris sui demonstrat. Quod si ne hoc sufficit, Patres mei, necessarium illum effectum arbitror, qui in recessu fati est, qui in manu eius qui præest, ponitq; leges necessitati. Hunc verò effectum non Monarchiæ, non regna, non quidvis in terris excelsum, non schola nostra, non vestra Collegia euitabunt. Sed id duntaxat agere debemus, ne male agendo, meliores opprimendo, contumeliam pauperi faciendo, & abutendo bonis à Deo concessis, superbiam, certissimam interitus indicem, colendo, necessitati illi magnæ fores aperiamus. Fiat de nobis, quodcunq; magnus ille necessitatis arbiter voluerit. Quantuli enim homunciones nos Academici sumus? non tanti certè, qui huic Regno pro dignitate commodemus, non potentiam, non magna & supra nos quærimus, ambimus, prædicamus, re nostra tantilla contenti; Et cum omnia fecerimus, quæ nostro officio incumbunt, ignavi & inutiles serui sumus. Quamvis autem tales, pro thesauro innocentiam ducimus, scilicet nec nos nostrum officium deseruisse, nec alienum inuasisse. Qua de re coram hoc amplissimo Regno fronte aperta protestamur, expectamusq; magnum illum necessitatis effectum, securi conscientiae præsidio, quocunq; nobis ille eueniat.

5. *Omni meliori modo quo licet & opus est.*

Formula hæc usitata est. Sed vobis inusitato more procedentibus eo modo aptari potest, quo prætexta viro, quo toga pueri,

puero. Ad quid enim dum non eo modo facitis, quo vulgò solet, modis dicendi vtimini vulgaribus? vt pallium nempe, vulgare factis minimè popularibus prætendatis. Criminati-
one conficere Scholam Cracouiensem animus erat pessimâ;
ad quid hoc, *Omni meliori modo?* Reponite, Calumniatur, o-
mni deteriori modo. Non latebat vos, id quod tentatis, omni
iure vetitum, prohibitum & illicitum esse; Frustra ergo po-
nitis, *modo quo licet.* Expungite hoc, & restituite, modo quo
non licet, necessitate nulla, sed animo conuitiandi. Expressa,
bella, illa vestra Protestatio, ad quid adiecistis, Opus illâ fuisse?
quinimo dicere debebatis, si boni essetis; inanem, futilem,
& superuacaneam illam extitisse: Id nempe quod faciendum
erat dicitis, non quod fecistis. Inferam ego ex hoc vestro
Omni meliori modo quo licet & opus est, hunc modum, quo prote-
stati estis, omnium deterrimum, illicitum, & minimè necessa-
rium fuisse. An verò cum vos aliquid asseritis, totum eius,
quod dicitis, contrarium accipiendum est?

6. *Salua & integra charitate sincera dilectionis er-
ga Vniuersitatem Cracouiensem.* Etc.

Ioab ille libris Regum, cum vellet interimere Amasam, blandè
eum in ipsa cæde & sanguine affatus scribitur; Salue mi fra-
ter, inquit: Interim eum gladio transfuerberat. Idem mihi fa-
cere videmini Patres. Quàm dolet Academiae illud *Sincera di-
lectionis* parum sincerè & per deridiculum adiectum; illam,
quippe charitatem saluam vultis, quam tanto furore aggredi-
mini & extirpare conamini? Eadem opera saluum dicas, cui
toxicum propines; cuius cordi ferrum infigas. Nostri pol sa-
culi mores egregiè possidetis, vt cui perquam ægrè facere cu-
piatis, ei blanda verba detis. Securitatem nempe præfari o-
portebat titulo charitatis, vt facilius noxam inopinantibus
inferretis. Mollii sunt sermones vestri super oleum, inquit.
Psalmes. Quid suauius charitate, beneuolentia, sincera dilo-
ctione?

atione? Facies Angeli hæc est, facies hominis. Perge vltimus, charitatem in mortem mutatam videbis, & ipsi sunt iacula, facies leonis & draconis; Molliti sunt sermones super oleum. Quid enim tranquillius oleo? sed expecta tantillum, videbis mare acerrimum, impetuosum, in quo naufragium faceret. Schola innocens, nisi caueat. Euge ergo, expectamus à vobis argumenta charitatis, & dabimus e contra, vt videat mundus, vter transfugium fecerit à virtute, à cuius vexillo discedere nefas; vter nostrum Hypocrita dici mereatur; vter corde duplici, lingua perforata? Iurisconsulti eum, qui contumeliam dixit, licet præfationem honoris præmittat, à crimine iniuriarum minimè excusant; plus enim id attendunt quod agitur, quàm quod dicitur, nec protestatio facto contraria quenquam iuuat. Quid fiet coram illo magno tribunali, an hæc labia, charitatis in præsidium vobis, an in perditionem erunt?

7. Quod hoc anno 1622, mensis Iulii die 13 horis pomeridianis &c.

Pertexis historiam disputationis Philosophicæ à vobis habitæ, & Protestationis, quam contra illam Academici fecerunt. Hic trutinemus, quàm verè, quàm candidè, quàm non vanè illius negotii Historiographum agas. Primum itaq; ais. More in Capitulis Prouincialibus seruari solito ab alijs Ordinibus Regularibus & Monasteriis, in simili Conuentu seu Congregatione nostra Prouinciali, quam nostra Societas statim temporibus habere solet, disputatio Philosophica instituta.

Hic sto. More ergo aliorum Religiosorum instituta? quin Immo, ne satis impudens esses bone Protestator, Monasteriorum? Etiamne vos Monachi, & cum nocere libet, cucullam induitis, eremum crepatis? Sed enim more aliorum Religiosorum. Miror quid vobis commune cum cæteris Religiosis hac in parte, quaq; ratione audeatis ad mores aliorum confugere, cum toto cælo religio vestra hic ab illis dissideat; hocque in-

primis in votis habeatis, vt non sicut cæteri sitis. Sed quæ ad me non spectant, omitto. Religiosi illi duntaxat in Capitulis disputare solent, qui Studia Generalia habent; quibus ea non sunt, neq; disputatur. Quorsum enim disputatio sine studio, quis propugnabit? quis oppugnabit? quæ causa? quis eventus disputandi? Disputatio ergo reliquis Religiosis argumentum studij, apud vos Collegij & Scholæ esset. Nam ipsi probè scitis, nec ire inficias potestis, nulla vobis Studia Religioni propria esse, quæ non publica, quæ non communia sint. Si ergo disputatio illa Studij argumentum fuit; certè Scholæ, certè Collegij talis, quale vos consueistis habere. Quæ ergo fide sic obliquè rem alienam inuadere, iura Collegij vsurpare audeatis? & dum autoritate publica iureq; aperto sanctitatem Academicam afficere non potestis, his cuniculis eam aggredi visum est. Bellum argumentum; Disputant cæteri: nobis ergo licet. Disputant, sed nullâ iniuriâ, nullo periculo nostro, nulla suspicione erigendæ Academiæ nouæ contra veterem. Disputant: gratulamur, ornamus, & ornatur ab eis vicissim. Vestras verò disputationes, tanquam non ea fide, qua decet Religiosos, institutas, tentatas, fugimus, execramur, eisque contradicimus. Subit animum magni Senatoris facetum dictum de his conatibus vestris, dum eos exemplo cæterorum Religiosorum regitis contra Vniuersitatem. Lupum quondâ, inquebat ille, corniculâ dorso ouis insidente, vellenteque lanam conspectâ, prudentiorem vobis secum dixisse: O si ego facerem idem, quàm tota vicinia in me conclamaretur, conuocaretur. Prudentiorem vobis, inquam, qui dum vultis facere id, quod auis innoxia, cum detrimento alieno, debebatis scire rem sine contradictione, sine pugna minimè futurâ. Religiosi verò illi, quos allegatis hac in re, quàm vobis applausere, quàm agnouere vestras disputationes esse suarum similes? Omnes inuitastis, quotquot sunt Cracouiæ; nemo illorum venit,

nit, nedum vt disputaret, sed ne aspiceret quidem novitatem
conatus vestri. Adeo offendebar integros viros spectaculi
illius deformitas & perplexitas. Patres Franciscani soli igna-
ri, quid rerum ageretur, primæ disputationi adfuere, iique cum
blandimentis vestrorum illecti disputare promississent, vbi ad-
uertunt hac re caput Academiae peti, discedere conati sunt, te-
stantes se nolle vobis conuiuere ita agentibus, vixque vestro-
rum summis supplicationibus detenti, ne actus defereretur,
remanserunt. Posteriori Theologicae, quam vos longè cele-
briorem & splendidiorē apparabatis, dicite quis Religioso-
rum huius Ciuitatis interfuit etiam tanquam spectator? Inter-
fuisse autem poterat non nemo, cum circiter mille in ambitu Ci-
uitatis numerentur, omnesque non tantum inuitati à vobis, sed
obnixè rogati essent. Scit Christus, quia non mentior, & nol-
lem tot dicere, nisi tu adigeres. Sed quorsum ego hæc refuto?
Quorsum tu argutaris similitudine aliorum Religiosorum, quæ
vobis, quæ nobis, quæ toti Orbi comperta est dissimilima?
Nisi fortè eam ad hoc adducas, vt omnes videant, te mala fi-
de, Ruscoui, cum tuis, cum Academia agere. Quorsum, in-
quam, ad Religiosos recurris, si eadem protestatione profiteris,
vos Collegium Cracouiæ habere? Non audebas scilicet dice-
re, disputasse vos iure Collegii, & vestro, quia nullum habetis:
ad aliorum ergo exemplum recurris, & dicis, id vos fecisse,
quod nunquam cogitastis facere re ipsa, nisi vt fucum nobis
faceretis & à metu conatuum vestrorum securos, vt facilius
opprimeretis. Illud vos rogo, quot anni sunt vt Cracouiæ
agitis? quot Conuentus, Synodos ibi celebrastis? certè plu-
rimas. Quis factum ergo, illis disputationibus ornamentum,
à vobis nunquam adhibitum? Nunc primum scilicet, post-
quam quadraginta annis plus Cracouiæ sedem habetis, didi-
cistis vos disputationes instituere, idque instar aliorum Religi-
osorum facere debere. Sed enim Conuentus vester apud San-

Etum Petrum minimè celebrabatur, & negare non potestis ad Sanctam Barbaram cum factum; vt quid itaq̃ue disputationes ad Sanctam Barbaram non fecistis? vt quid eas transtulistis à loco Conuentus vestri, si ad ornamentum Conuentus institutæ erant?

8. *Disputatio intra domesticos parietes habita. &c.*

Non pudet vos hæc ita venditare? si ornandi Conuentus causa habita, non debuit intra domesticos parietes haberi. Dicitte quod res est, & quod scitis. Priuatim quidem habitam, eam casu quodam & necessitate; vestro autem cogitatu publicè debuisse fieri vtramq̃ue tam Philosophicam, quàm Theologicam in Basilica D. Petri. Sed cum de Philosophica aliter vidistis dispositum Constitutionibus Synodalibus Illustrissimi Domini Episcopi Cracouiensis. cum, inquam, serò videretis Constitutiones contra conatus vestros facere; vt cauti estis, metuentes ne vna disputatione & Academiam & Illustrissimum Episcopum offenderetis, demum eam in priuatum locum transtulistis. Verum esse quod dico, testatur inscriptio Thesium vestrarum; lege obsecro, inuenies puto: Disputabuntur in Basilica D. Petri Societatis Cracouiæ. I iam, & dic priuatim celebratam, cum omnes probè sciamus te id dicere, quod vobis perquam ægrè fuit, qui difficilè hoc consilium mutastis, quiq̃ue nihil magis in animo voluebatis, quàm vt magis quàm publica illa concertatio foret.

9. *Pòst, pacificè (ais) habitam.*

Egregiè sanè veritas seipsam prodit. Pacificè inquis habitam, ad discrimen posterioris, ad quam vos per summam vesaniam satellitium vocastis, imò conduxistis; cum vertiginosi aliqui vestrum spargerent, Academicos vi impedituros disputationem, ridentibus nugas vestras Haidonibus accitis, hominibus minimè vaftris. Cum enim iuberentur intrare Ecclesiam, iocabantur se contra muscas & cyniphes, vt eos ab exca-

factorum

factorum Patrum capitibus abigerent, vocari. Pacificè ergo celebrata Philosophica? laudo. Ad Theologicam vocatum satellitium, minimè laudo; in contumeliam quippe hoc Academiae faciebatis, vt si vobis defensione tali aduersus eam opus esset. In contumeliam dico; sed cum totus Orbis viderit improbitatem vestram hac in parte, quicquid contumeliae nobis inferre conati estis, totum id in sinum vestrum redundabit.

10. *In praesentia variorum Canonice Ecclesiae Cathedralis Cracouien. &c.*

Puerilis vanitas & nimium balbutiens. Varios Canonicos Cathedralis *ais*. Quid hoc verbi est amabo? omnes sunt eiusdem ordinis, tibi videntur varij colore, ætate, studijs. Sed enim varios dixisti, vt qui multos non auderes planè dicere, sed multitudinem vt varietate circumloquereris. Varij ergo illi fuere quatuor vel quinque; varij profectò studijs; nam aliqui eorum vestrarum partium vt opinor duo, ijque non ex animo vestri, sed spei suae causâ; alij duo, tresue diuersa à vobis sentientes, spectaculi & nouitatis gratiâ conuenere.

11. *Quidam Professores venere cum Protestatione scripta. &c.*

Adeo furis, Rustoui, vt etiam homines tibi probè notos honestè appellare dedigneris. Quidam verò illi tota vrbe sunt noti pro bonis viris, integris, & doctis, & vicini tui quidem; isti, inquam, tales ad quosdam Iesuitas, quos non nouimus, nec vidimus vnquam, inuadentes iura Academiae, alienamque professionem sibi vsurpantes.

12. *Cum scripta protestatione venere.*

Ex his iam pingitis, ô boni Patres, non satis benè, nec ijs coloribus, quibus prædita fuit Protestatio nostra. Quemadmodum qui pupillam flaua bile infectam habent, ijs omnia flaua videntur; qui atra bile, ijs omnia nigra; ita vobis atra bile in

Vniuersitatem correptis, quicquid ab ea proficiscitur, atrum videtur. Tuæ Protestationis, ita me Deus amet, isti colores sunt ipsissimi, nec eam vel Apelles melius pinxerit, *quàm iniuriosam, multis non veris respersam, ius vestrum in alienam perniciem extendentem.* Vt verò singula exequar,

13. *Iniuriosa* Vobis videtur Protestatio nostra.

Non verum est. At hoc ita esse tu agnosces Ruscoui, cum tuis, si modò fastum & tumorem demas, qui te ita loqui compellit. Defensionis quippe causâ protestatio illa intimata vobis. Quòd si iam ille, qui iure suo vtitur protestando, nemini facit iniuriam; multò minùs faciat, qui defendit id quod suum est, nec moderamen inculpatæ tutelæ excedit. Maiorem ego malitiam & superbiam cogitare non possum hac vestra, qui cum alios inuaditis, premitis, eripitisque aliena; si læsus defensionis iure vtatur, irascimini, pro iniuritaque accipitis; quod nemo tyrannorum fecit vnquam, vt ne læso conqueri liceat, id vultis. Iura scholæ vobis vsurpatis. Patres; nos adhuc quid? dicemus nullam iniuriam nobis fieri. Mille concatenatas calumnias contra nos nectitis, neque hinc aliqua iniuria est? Falsos rumores per Poloniam spargitis, ne hinc quidem mutire debemus? Ad famosos libellos vestros, ad protestationes infames tacere debemus, ne si quid dicamus, id pro iniuria accipiatís vos, quibus omnia quoquo modo agendi à Deo & hominibus libertas data est; nobis ad solam iniuriam ferendam, patiendumque quodcunque mali inferre libuerit, natis. Quis malum iniquè iniuriæ rationes & partes inter nos dispersitus est? quis credet bonam matrem omnium nostrum naturam omnia nobis iura sua subtraxisse, inter quæ primum est defensionis, muscis etiam & culicibus concessum? Vobis verò ea tribuisse, quæ nulli vnquam hominum ordini nedum tributa, sed ne somniata quidem. Pudorem vestrum appello, & demum peto vt discatis, naturale esse iniuriam faci-

enti, i

Onti iniuriam reddere, calumniā calumniā, contumeliā contumeliā, verberibus verbera pensari.

14. *Rebus non veris respersa*,

Fateor Protestationem respersam rebus non veris, hoc est, à vobis confictis, falsis, quippe eam respergitis, dum iniuriosam, falsam, & ius alienum inuadentem dicitis. Vellem copiam illius toti Orbi fieri, vt eam cum hac vestra conferat, eadem operā modestiā, candorem, innocentiam Academicam, cum vestris artibus collatā omnes viderent, agnoscerēt vt in scripto illo, sic in animis Professorū esse nihil maculæ, præter id quod à vobis inspergitur. Illas verò res non veras, quare non expropiistis, Patres? Pecissetis profectò, nam qui ex omnibus falsis vestram conflastis, commentaq; vestra publicastis, non dubitassetis, si quid falsi in Academica esset, potius propalare. Quia in re magis & prudentiæ, & conscientiæ, & fidei vestræ satisfecissetis, si aliena non verè dicta indicaretis, quàm vestra manifestò non vera & commentitia in publicum efferretis. Gratulor verò mihi, vos veritatem appellasse, gaudeo in theatro veritatis vobiscum versari; vtinam & vos non dubitetis, Patres, in illud prodire, & periculum causæ cum Academia facere, Prouocamus vos, certi, non aliud quàm confusiuem & opprobrium relatuos.

15. Tandem ais, protestationem illam, *iurisdictionem Vniuersitatis ad varia, ad quæ eam nunquam habet, eam extendere. &c.*

Miror ego maiorem in modum, in Scripto à Synodo Patrum confecto, pleraque eiusmodi reperiri insulsa, imperita, & rudia. Siccine flos ille Collegiorum Societatis est doctus & hucnè illa vanitas & iactatio eruditionis euadit? En hîc vnum, quod ait, *Iurisdictionem suam Vniuersitatem extendere.* Nescitis quid verbi sit Iurisdiction, quantumque à iure differat. Iur

rat. Ius enim suum debebatis dicere Vniuersitatem extendere, non Iurisdictionem. Vbi enim tribunal erectum? vbi ius dictum? vbi vocatae partes? vbi sententia ab Vniuersitate prolata? vel quid simile factum, quod Iurisdictionem redoleret? Puerum aliquem è vicinia accersere debebatis, docuisset, vos, protestationem, querelam, appellationem non à ius dicente fieri, sed à ius petente, neque hæc iurisdictionem suam extendere, sed alienam respicere. Eadem eruditio apparet per vniuersum corpus Protestationis vestrae, nec plus illius fuit in priori illa Re-protestatione, quàm ad Scriptum Academicum ante annum respondistis, puerili, nugis nugacissimis referta, factus tamen ditissima, quam Academici eadem operâ falsitatis & ignorantiae condemnarunt, & contempserunt, respondere dedignati, vt vobis relinquerent apud vos opinionem eruditionis, quam nusquam aliàs haberetis.

16. *Meritò Protestationem à Patribus tum non receptam imò reiectam testaris.*

Rideo prudentiam, & rerum peritiam vestram: nihil refert reciperetisne Protestationem, annon, dum vobis intimata fuisset; vnde imperitiæ illud argumentum haud leue, dum vos excusatis quasi à noxa, quia Protestationem non recepistis. Vtar ego ignorantia vestra: assero, immeritò vos non recepisse. Cùm enim Protestatio nostra Sanctissimi Domini nostri, Serenissimi Regis, Illustrissimi Episcopi nomen appellaret contineretque: in contemptum summamque iniuriam horum fecistis, cum prouocationem ad illos non recepistis, quin potius abiecastis, ludibrio habuistis nomina, quibus hîc in terris apud nos nihil maius. Ita vos diceretis & vrgeretis impudenter dicta; qui ex longè leuioribus occasionibus nos contemptus Regii accusatis. Sed nos nolumus esse similes vestri, improbi & calumniatores. Concedimus itaque meritò vos reiecisse, scriptum, immeritò iustitiam. Qua in parte si quid Maiestatem Reg

tem Regiam offendistis, si quid Pontificiam, absq; eo vt vos in inuidiam adducamus, probè nouerunt ii, quibus dedit Deus honorem in terris, quo pacto illum tueri, & defendere debent.

17. *Religiosi domicilii immunitatem, quietem, & pacem Ecclesiasticis Canonibus, Summorum Pontificum decretis ac privilegiis, Regia auctoritate stabilitam, violatam, perturbatam,*

intimatione Protestationis grauissimè & vix non cum lachrymis conqueritis: vbi nihil non addidistis, quo ignorantiam & malignitatem vestram non exprimeretis. Vnde enim didicisti immunitatem loci Sacri sic violari? Ego pol dum omnes Canones, Summistas, de immunitate Ecclesiastica scribentes enoluerem, nuspiam vidi intimatione Protestationis, Appellationis ad Rom. Pon. locum Sacrum Religiosumue violari; eadem opera, quouis motu, quouis verbulo contra vos, loci Sacri violarentur, atq; adeo nullus inuiolatus toto terrarum Orbe esset, vt querelarum contra vos plena omnia. Sed agite ô boni & docti Patres, vbi illum Canonem legistis: Si quis sinistro oculo Iesuitam aspexit, excommunicatus esto: Si quis protestatus fuerit contra locum quemcunq; Patrum, tanquam violator immunitatis Ecclesiasticæ poenas dato? Hos verò Canones ita vobis veros & receptos esse credo, vt illud; Neminem saluum esse posse, qui minùs Societati fauet; mulierculis per gynæcea, plebeculæ per compita, pueris per Scholas à vobis decantatum. Qui coelum verbo clauditis, Serasq; eius soluitis, Nos à peccatis omnibus Soluite iussu quæsumus. Eiusdem farinæ erat in pompa vestra, cum Emblematis pictis proferretis Orbem Polonum cum ipsis Aquilis, & circumstantes Iesuitas illum sustinentes: Quæ tabella prudentibus risum & indignationem mouit. Hoc verò lepidius, & ad summam

E

perulan-

petulantiam impiamque audaciam propius; B. Ignatium pingu-
gebant populoque monstrabant, qui totum terrarum Orbem
teneret, atque igne ex corde suo orto inflammaret & irradi-
aret, ex Symbolo Scripturæ: Veni ignem mittere. Scitis
nugatorum omnium audacissimi, quid sit ille ignis? nem-
pe Paracletus. Scitis, cui proprium sit illum mittere? Nemo
ignorat sensum Doctorum hac in parte, & interprete vix opus
est, ubi Christus veritas summa tanquam ius suum hoc dicit
esse, ignem mittere. Quærite ex Beato vestro, an sibi hoc v-
surpare velit? indignaretur profectò, se adulatione adeò im-
proba, & plebem imperitam errore peti. Pietatem prætende-
tis, scio; Laudo ego omnibus in rebus pietatem, inordinatam
tamen, confusam laudare non possum, quia pietas non est.
Quis autem iam alicui Sancto simile adfinxit? Hic gladium
habet, hic fustem, ferram ille; Saluatori Orbis in manus da-
tur, quem igne cælesti regat, inflammet, & nisi à se regi patia-
tur, æterno comburatur. Vobis verò non aliud visum conue-
nientius Sancto vestro Symbolum, quàm quod Christi esset?
non eius profectò, sed vestro ambitu. Eodem profectò stu-
dio Christo Saluatori nostro Orbem terrarum, quo Acade-
miæ prerogativas, eripitis. Sed sat in hoc fuit muscis eiusmodi?
quiescere hinc illorum somnia? Eundem Beatum Ignatium
Principi Apostolorum æquarunt, pro dimidiaque parte fun-
ctionis Pontificiæ, & iuris primatus Dominum voluerunt.
Magni meriti fuit apud Deum D. Ignatius; Scio, illud ne-
scio, an Principi Apostolorum æqualis; & suspicarer æqua-
lem esse, metuerem tamen comparisonem, quæ omnis odio-
sa, metuerem id quod Christus Petro dedit præ Apostolis,
iudicio meo præ illis alicui dare, & cum Petro commune facere.
Vos verò id bello schemate populo Cracoviæ exhibui-
stis, cum induxistis Deum Patrem iam non soli Petro, sed vnâ
cum Ignatio & ex æquo commendantem & urbem Romam,

& terrarum Orbem. Christus quidem soli Petro commendauerat; Vos indignè eius sententiam tulistis, prouocastis ad Patrem, & hic, ne Filium & vestrum Ordinem offenderet, Petro quidem non abstulit prerogatiuam, sed eam cum Ignatio communem fecit. Agnoscitis vestras nugas, sub quibus immanis fastus & exitio suo proximus latet? Primatus itaque tuus, Petre, iam non tuus est in solidum, iam non tanti fiet. Partem enim eius Ignatius habet; & quo fidei vinculo adstringimur ad credendum te Principem Ecclesiæ, eodem Ignatium, & suos posteros. Multa alia hinc omitto à vobis ridiculè & impudenter excogitata, magnoque cum probro ad vulgus propalata, quæ eo minùs negare potestis, quia non verbis, sed picturis, inscriptionibus, Emblematis constabant, vt res tantò magis populi animis infigeretur. Quid mirum itaque, si Romanæ Sedis hæredes ex semisse, & ex Diuûm Concilio nunc primùm venientes, Canonum condendorum de noua immunitate, quæ Appellatione violaretur, facultatem habeatis? Secundi rerum successus, & fortuna nimium blandiens, in elationem animi & petulantiam intolerandam, ex qua hæc somnia proueniunt, vos redegit ignorantes, quàm eà cautè & reuerentè vti debeatis. Si ergo violata immunitas domicilij religiosi Protestatione; quid cum hanc vestram Rectori Collegii Academici intimaretis? Non putastis in quoquam vos immunitatem offendisse? nihil priuilegii Academia præ vobis à Sede Apostolica, nihil à Serenissimis Regibus, nihil à Sacris Canonibus habet? Vos omnia cum puluisculo etiam abstulistis. Tædet me vestræ impudentiæ, quam demonstrare, nihil opus, indicare & numerare sufficit. Quid ibi loci religiosi habetis, cuius immunitas violaretur? nescimus. Collegium destinastis ad S. Petrum; Scio, habebitis, si habebitis, nunc verò non habetis quicquam. Ecclesia non consecrata gaudet immunitate, locus illi adiacens an gaudeat, non planè

memini. Neque Ecclesiam ergo, neque locum illum ita vestrum esse non potestis dicere, vt non liceat Serenissimo Regi illum alteri cuiquam, qui magis prodesse possit Ecclesiae & Reipublicae, tribuere: Vobis potissimum duos Nobiles in Vrbe occupantibus, tertium non in alium vsum quaerentibus, quam vt Academiam ibi nouam, nec duraturam, in euerfionem veteris, & hinc aeternam maculam Serenissimae Domus Iagellonicae extruatis & excitetis. Qui ergo vobis locus religiosus, qui non vester? eadem opera hospitia Clericorum religiosa & immunia dicentur, & multò magis illo vestro, in quem quis non admissus; pauci dies sunt, annon pueruli insolentes, omnis generis opifices, & in aurificum magno numero, maior pars Haereticorum, qui malleorum tinnitibus omnem plateam infestam, maximè vicina Professorum Musca faciebant. Parcere nobis debebatis, si nesciebamus locum illum religiosum esse, die 13. Iulii, contra quem tota Ciuitas & nos ipsi conquerebamur paulo antè, quòd omnis generis hominum neque rei, neque fidei, neque virtutis certè plenus esset.

Iam quanta illa, & quàm digna nota, quae subdis, numeremus.

18. *Immunitatem Sacris Canonibus fundatam, Summorum Pontificum decretis, Regia auctoritate stabilitam, & alia.*

Nempe non iam immunitatem loci, nec prorsus sacri, neque profani, contra quem tamen nefas protestari. Nugas ego maiores maiori malignitate neminem vnquam nugari audiui. Hic iam similia ruunt impetu quodam, & ardore fingendi, vt fermè fieri assolet iis, qui verecundiae fines semel transgressi sunt, eos gnauiter oportere esse impudentes. Extergite frontem, si eam habetis, Patres, & recensete id, quod scripsistis.

19. *Inchoatam disputationem nulli iniuriosam, nemini prae-*

*ni praiudicantem, iniuriam & priuilegiorum Vniuersi-
tatis praiudicium non institutam, &c.*

Gauderem si cum rectis & candidis mihi res esset; Sed vos ipsi & aliàs semper, & hac ipsa Protestatione annon contrarium dicitis? annon sentitis diuersum? Nempe in iniuriam Academiae non instituta, quæ in Collegio, vt tu asseris, nouo, in Facultate principe habita? Lege id quod scripsisti, post aliquot verba, *Domicilii & Collegii S. Petri*. Inferius autem (ex illa ipsa schola hederam pendentem, qua iuuentus conuocaretur, cum abstractam indignaris) ais; *à portis dicti Collegii theses auulsas*. Quinimo paulo post, eidem Scholæ Rectorem tribuis Reuerendum. Vt iam vel hinc te improbè fingere, vel in Protestatione falsum dicere aliquoties oporteat. Habetis Collegium, habetis disputationem, quid vobis reliqui ad Academiam habendam? Concursum iuuentutis facere conamini, quamuis irritò nixu, quod vobis cor odio fauciat. Rectorem Scholæ nescio quem vobis finxistis, quid vultis vltèrius? non iniuriosa nobis Disputatio? non iniuriosum Collegiū? non iniuriosus Rector? aufertis Collegium Disputationum iura usurpatis, iuuentutē abstrahitis, scholā contra scholam manifestè erigitis, disputationes contra disputationē, iuuentutē contra iuuentutē; Nos tamen adeo bardos & fungos arbitramini, vt non sentiamus, quid nobiscum agatur? Et si protestemur iniuriam factam nobis, accusamur tanquam capitalis facinoris. Nempe non debemus sentire, quantum intersit totam Academiam nos habere, an eius angulum, qualem nobis Patribus dare libuerit? Neque capiemus, dum Priuilegiorum nostrorum maior pars & potior nobis eripietur? dum in Ciuitate Regia successores nobis in prærogatiuis Academiae dabuntur? Cumque cum nouis Academicis non ad otium literarium, sed ad pugnas vitam ducemus? relictaque veteri simplicitate &

tate & virtute, artibus houis contra eos nos fingere, formare
& armare debemus? En quomodo disputatio vestra in præ-
iudicium Academiæ instituta non est? Illud quod asseris,
eam consuetudini aliorum Religiosorum conformem, refutatione i-
terata non habet opus. Pudorem tamen appello tuum, Rusco-
ui, quod geminare pro vero audeas, non solum rem falsam, sed
quæ etiam vestram malam fidem arguit, & ad amussim repræ-
sentat. Vulgatum est, omnem similitudinem claudicare; hæc
verò similitudo vestri ad alios Ordines, tum primùm nata,
cùm nocere vultis, in vtrumque pedem clauda est; & dum
vos illi canabinos pedes subditis, nihil agitis, quàm risum po-
pularem & fabulam. Vulpecula Æsopi, cum videret mulieres
gallinam edentes, pari similitudine vsa, asseribat sibi idem lice-
re; pari similitudine, inquam. Vt enim cibus pe-rinde gallina
mulieribus, ac vulpeculæ; ita vobis eodem modo est disputa-
tio, ac Religiosis cæteris, eadem materia, idem modus; sed ius,
sed intentio, candor, innocentia, cælo, terra & mari differens.

21. *Disputationem in Privilegiis Sedis Apostolica fun-
datam, & menti Illustrissimi Domini Episcopi Cracoui-
ensis Academia Cancellarii conformem.*

Prorsus blatis quod edisserere & probare nunquam pote-
ris. Disputationem illam vestram apud Sanctum Petrum,
habitam Summus Pontifex suis privilegiis comprobavit, &
quidem singularibus: vt quid ea non exhibuistis? cur non
publicastis? Appellassemus ab eis, vti fuissetus remediis iu-
ris. Sed quid ego tecum, qui nugatorum omnium princeps
merito clues? an ius disputandi, docendi, erigendæ Scholæ
dedit vobis Pontifex? Hoc verò nostrum ius, nobis non vo-
catis, quod ab omnibus aliis Pontificibus habemus, minimi fe-
cit, qui in prima parte iustitiæ reponit, Ius suum nemini tol-
lere? Et quantumvis vos vel Acheronta moueatis, nunquam
quinca-

euincatis, vt Sedes, quæ Sanctitatis & Iustitiæ in terris est princeps, sem prærogatiuam, it^a alienum, sine causa alia, quam vt vobis gratum faciat, auferat.

Illustrissimi Episcopi menti conformem ais.

Quid hoc verbi est, te obsecro? Inspexistis intus & in corde, quid mentis Illustrissimo esset? Vos scitis, quid Iuppiter Iunoni in aurem dixit. Vos scrutamini corda Pontificum, Principum, Episcoporum, & gnari quod cuique menti sit, in publicum profertis secreta, contra quam omnes sciant. Quæ verò illa mens Illustrissimi Episcopi? procul dubio officii, dignitatis, iustitiæ, & honoris sui & Academici tenax & amans; nec aliam vnquam Schola hæc experta est in se, quam propensam & sinceram. Nec nos fugit, quantum vos in illa mente mutanda adlaborastis, & quantum ille pro iustitia & veritate fortem & virum se exhibuit; memor institutionis in hac Schola habitæ, memor Collegiorum vestrorum plena esse omnia ad fastidium & importunitatem, eaque Luna mutabiliora momento augeri & decrescere. Academiam Cracouiensem Regiam, magnam, sui semper similem, vnicum Diocesis suæ atque adeo totius Regni ornamentum & gemmulam esse. Quid vos itaque malum nugamini? mentem illam in abdito aliud sentire de nobis, & vobis, quam quod monstret foris? Qui geminam pupillam oculi habent, eis omnia videntur duplicia; Vobis gemino corde hominibus, duplici mente & animo, tam Romanus Pontifex, quam Illustrissimus Episcopus videtur. Sed parcite, potius vos falsum dicere, quam rem ita esse, vti dicitis, credimus.

Sequitur virulentia ipsissima. Vidi ego Emblematis vestris depictum Cacodæmonē à Patribus circumdatum, ore flammam hiantem, & Patres cum eo nescio quid contentionis habentes. Iam mihi venit in mentem, succubuisse eos in certamine, & spiritu eius, qui à principio mundi fuit Calumniator, affla-

tor; afflatos, ista vomere.

22. *Protestationem Academicam prætulisse contemptum Apostolicæ Sedis & Regiæ, &c.*

Illi illi mihi videmini falsi testes, qui contra Christum, quondam steterê, & cum templo maledixisse, & Cæsari tributa dare vetuisse asseruere; Vos verò impudentiores, qui manifestum contemptū manifestè falsò & impiè comminiscimini. Sub qua arbore vidistis, Patres, & Seniores Israël, Susannam hanc Academiā Crac. rem habuisse cum contemptu Pontificis cum contemptu S. R. Maie. atq; fædo se adulterio maculasse & alias, ecce Angelus Domini stat, qui vos secet per dimidium. Eia verò expromite vel vllum verbum ex illa protestatione, quod vel obliquè hunc contemptum præferat? si non habetis, quo nos conuincatis, vt quid rem tam atrocem comminiscimini? Scio equidem Regnum hoc amplissimum moris Academicæ satis gnarum, non requirere à nobis defensionem, sufficereque illi, si dicamus, Patres falsa contra innocentem Academiā comminisci. Sed tamen adeo à contemptus illius suspicione abfuit protestando, vt non tantum Regem & Pontificem, sed ipsos Iesuitas pessimè de se meritos, honorificè nominarit. Lege Rusconi protestationem, si intelligis id quod legis, reperies eam conditionatam fuisse; *Si & in quantum præiudicium inferret Academia vestra disputatio, protestamur.* Quid hic læsi estis, nisi lædere cogitabatis? quorsum indignatio tanta, furor & ardor criminandi, si offendere nolebatis disputatione? ablata conditione, euanescebat protestatio. Sed conscientia vestra tenere non potuit secretum, conditionem illam ipsam oppugnatis, euertitis, tueminiq; iniuriam, cuius auerendæ causa à nobis protestati sumus, & iam huc S. nomen Pontificis accersitis: vt si ille cupiditatem vestram tueri, insolentiam promouere cogitet, & se contemptum statim existimet, si quis vos perperam agentes accuset. Contemptus est Pontifex?

Pontifex? Fateor, sed à vobis, qui venerandam eius Maiesta-
 tem, ad tegendam vestram insolentiam adducitis. De Aca-
 demiae submissione securus est; plus enim ducenti anni testan-
 tur, eam ne latum quidem vnguem à diuina illa & suspicien-
 da Romanae Sedis Maiestate discessisse, testantur literæ &
 diplomata Summorum Pontificum, testatur res ipsa. Cum
 enim in hoc Septentrione alia Academiae descuiissent à fide,
 & obedientia Ecclesiae Romanae; hic ne suspicio quidem ma-
 li comperta, quin potius tenacissimè & feruidissimè, non so-
 lum seipsam, sed totum hoc Regnum, quoad fieri potuit, in
 obsequio Romanae Sedis continuit. Non est opus vt hæc re-
 petam, siquidem res ipsa conuincit falli protestatores nostros.
 Legite sub finem protestationem Academicam, & excutite te-
 merum, quo laboratis: *In & contra dissertationes huiusmodi pro-*
testor. &c. & appello ad Sanctissimum Dominum nostrum Gregorium,
diuina providentia &c. Sedemq; eius Apostolicam, submittens me prote-
stationi eiusdem. &c. Quid iam ad hæc? idem vobis contemptus
 quod submitio, quod appellatio? annon vos potius contēpto-
 res illius Sedis, qui eruditissimè asseritis, hac ratione quoties
 appellatur Romanus Pontifex, toties eum contēptu & contu-
 melia affici? Quem volebatis alium appellassemus? nisi for-
 tè id agatis, vt ne contra facta vestra provocare & appellare
 ad quenquam liceat. De contemptu Sacrae Regiae Maiesta-
 tis non habeo quod dicam; res enim est ob oculos totius hu-
 ius Regni, & Sacra sua Regia Maiestas pro diuina sua pruden-
 tia probè nouit, quo animo id à vobis scribatur. Non con-
 temptum cogitatis scilicet, sed rem vestram. Et cuiusmodi
 nos homines sumus, qui contemnere audeamus nomen Regi-
 um? cuius potentiae, ambitionis, cuius factionis? Testis no-
 bis Deus, testis tota Polonia, testes beatæ illæ animæ Serenissi-
 morum suæ Maiestatis Maiorum; Nos nihil vnquam potius
 in sapientia humana ducere innocentiam & candore; Superbiā,

contemptu nedum S. R. M. sed ne cuiuspiam alterius, nihil magis exitiosum putare. Ad nomen Regium tanquam coeleste, ita mouemur, vt moueri par est ad nomen eius, qui loco Dei in terris est, qui imaginem Regis coelestis in terris praefert. Si æquè vanus essem vt tu, referrem solennes Supplicationes, quæ pro sua Maieft. Serenissima Coniuge, & prole Regia, pro animabus Serenis. Benefa. nostrorum crebrò, candidè, & sincerè instituiamus: referrem annò præcedenti institutum Oratorium iuuentutis Academicæ, quod vobis oculos effodit, cuius prima cura est, vt innocentes pueri orent, & tantò faciliùs exorent, quia innocentes, pro Maieftate sua, & quicquid eam propè attingit. Hic noster contemptus est scilicet Patres; Deum primo loco habere & venerari; secundo Maieftatem suam; quod tantò nos candidiùs aliquis facere meritò dicat, quia his annis, quibus foelicissimè Maieftas Sua huic Regno præest, nihil postulauimus adeò magni, nihil petimus; & dato vno non perreximus libidine habendi, & importunitate petendi, liberalitatem Suae Maieftatis fatigare. Id verò nobis in contemptu parte si imputatis? parcite.: nouimus quid nos deceat, nouimus quid securitatem nostram; scimus quàm tædiosa sit res postulatio & petitio aulica, quàm inuidiosa rei petitiæ consequutio. Sufficere arbitramur nobis paupertatem nostram; quæ si inuidos vestros oculos concitauit, quid fieret, si rem paulò lautiozem haberemus? Gaudete vos itaque, frui mini illa aura aulica; Nos priuatum & angustum decet, qui à Patribus accepimus, non cuius conuenire in luce illa Maieftatis Regiæ versari. Quid autem ego vobiscum de contemptu Regum? dicite, an est quis à maximo ad minimum in hoc Regno, qui nesciat, quomodo à vobis tractentur nomina, diademata, imò corpora Regum? & vos tales audetis cum Academia innocentissima contendere de honore Regio? Debebatis scire antiquum illud; quamuis plerunq; Principi delatio sit grata, delatorem tamen semper odiosum esse & suspectum, id

Quæ eò magis, si criminis eius notam habet, cuius alterum infimulat. Literæ Sacræ testantur, Doëg Idumæum falsò accusasse Achimelech & Sacerdotes rebellionis contra Saulem; obtinuit calumnia apud impium Regem; innocentes cæsi sunt. Quid postmodum? Calumniatoris filius, teste Hieronymo, infert manus eidem Regi, detrahit diadema, & quod pater falsò confinxerat Sacerdotes innocentes fecisse, id malus filius verè præstitit. Defendet nos Deus, non dubitamus, ab huiusmodi delatoribus, contra quos clypeo Dauidico vti possumus: audi Ruscoui cum tuis, qui gloriaris in malitia, & potens es in iniquitate. Iudicet vos Deus, si iustitiam cogitavit lingua vestra, annon potius sicut nouacula acuta fecistis dolum? annon Academiam succidere conati estis, contemptum ei duorum magnorum in terra, Pontificis & Regis, obijciendo? Dilexistis malitiam, iniquitatem, quâ nos conficere arbitrabamini, quàm loqui æquitatem, quæ vobis ob oculos fuit, luceque ista lucidior. Dilexistis verba præcipitationis linguæ dolosæ, cum nos in fastigium Maiestatis Regiæ & Pontificiæ deducitis, indeque contemptum obijcentes præcipientes datis. Sic Psaltes Regius contra Doëg; Sic Academia contra vos eodem periculo, eodem casu. Vltèrius autem: Deus destruat vos, & euellat de tabernaculo suo, qui speratis in multitudine diuitiarum vestrarum, & præualuistis in vanitate vestra. Academia autem sicut oliua fructifera in Domo Domini florebit, quia sperauit in misericordia Dei sui.

A contemptu ficto venisti ad iniuriam commentitiam, 23. *Cum iniuria, inquis, Sacri domicilii, & Collegii S. Petri, à Serenissimo Rege Domino Nostro, Patribus Societatis in Vrbe hac, in Ecclesia & Reipublica bonum fundati & erecti.*

Noua prorsus hæc res & inaudita nobis, Collegium Pa-

trum Cracouiæ fundatum à Serenissimo Domino nostro; non tantum inaudita sed incredibilis, miramurque vos audere id suæ Maiestati imponere, quod purum & putum somnium vestrum est. Historiæ Sacræ aiunt, fratres septem persecutionem fugientes spelunca vna oclusos, aliquot annis dormiisse; simile quippiam euenit in Polonia. Patres enim plures, quàm quater vel quinquies mille, rerum successu lasciuientes, multis annis vigilando somniant, & pro vero allerunt, se Collegium Cracouiense à sua Maiestate erectum habere. Vladislaus Iagello ingenti sollicitudine & cura summaq; liberalitate erexit Cracouiæ Vniuersitatem omnium scientiarum; Eandem posterì Reges, quisque sanctam eius voluntatem prosequuti, multis prærogatiuis cumularunt, tanquam vnicam filiam in deliciis habuerunt, tutati sunt. Magna enim execratione deuinxit D. Iagello posteros Principes, ne quid contra Scholam à se fundatam mouerent. Idemipse Serenissimus Dominus noster paucis antè annis omnia priuilegia Vniuersitatis perpetua Regni Constitutione sanxit: & cum didicisset, vos Scholam moliri, seuerissimè pro sua Regia autoritate interdixit. Hæcque omnia vera sunt, non in somniis acta; Vos tamen quid malum impudenter iactatis Collegium vobis erectum, vt destrueretur vetus, defereretur, in nihilum redigeretur artibus vestris? Verbis Scripturæ utar. Sit in habitationem erinacei, noctuæ, & vespertilionis. Vestris artibus, inquam. Quàm enim proiecte, quàm miris modis sollicitare iuuentutem scitis, non vt eam doctiorem sed vt vestra Collegia frequentiora ad speciem faciatis, non dicam ad præsens. Videlicet desit esse Collegium Iagellonianum, quod nudiustertius Professoribus plus octoginta constans, quorum infimus cum optimo vestrum comparari possit, si phaleras demas, limis oculis aspiciebatis; desit esse, inquam, vt vestro Cracouiæ opus sit? Parum vobis est repleuisse hoc Regnum nugamentis

mentis Scholarum vestrarum, ut etiam Urbem Regiam eiusdem vanitatis contagione afficere cupiatis? Illi, qui sapiunt, profecto & gnari sunt rerum sæculi veteris iuxta ac nostri, minoris Collegia illa vestra æstimant, quàm Scholas olim oppidorum ab Academicis Præceptoribus habitas, ex quibus, Dij boni, quàm magni viri, quàm admirandi prodiere! Scilicet erant tum temporis in precio literæ, amabantur, colebantur, maiestatem suam retinebant: veræ enim erant & sine fūco. Nunc postquam vanitate vestra coinquinatæ sunt, postquam in angustum loci & temporis redactæ, postquam discipulos precario quæritis, postquam eruditionem muliercularum auriculis & cuiusvis de plebe commodatis, postquam sine quæstu rei faciendæ docetis; desinere literæ, desinit eruditio, species virtutis pro re est, fucus pro veritate. Quid ergo iam vos obsecro tam magni in Urbem Regiam inferetis, si Scholam, qualis Sandomiriæ, Duclæ & Rauæ est vestra, inferatis? quò enim illa fabula Cracouiensis Collegii à cæteris vestris differet, quam iidem Mimi, iidem agent Pantolabi? eadem methodo, eadem ratione, eadem arte conuocandæ iuuentutis per imagunculas, per sollicitationem matrum, per cantilationem calumniatoriam de Academia, quâ vos res vestras stare arbitramini. Iidem, inquam, agent rudes, iuuentuli, vnius Scholæ discipuli, alterius Magistri, audaciam hinc pro sapientia venditantes, tragœdiolas, declamationes, versiculos ab aliis ante triginta annos scriptos pro suis venditantes, & rudi popello in scena exhibentes. Nam quod probum fuit maioribus nostris, ingenuos pueros scenæ ludicris contaminari; id vobis honori & laudi, si Diis placet, ducitur. Putatis nempe, Patres, Poloniam ignorare, vos, cum per totum Regnum habeatis annui redditus plus quadringentis millibus, tanto sumptu tamque infano Oratorem nullum, Historici Politici ne umbram quidem, Semitheologastros Scholasticos aliquot, Philosophum sesqui-

F 3

alterum,

alterum, qui non dicere sed dictare duntaxat scit, habere? Sub
horum verò vexillis & pallio aliquot millium gregem solis
factionibus, practicis, captandis animis muliercularum, re au-
genda versari, melioresque se inquietare? Interim vt si ignari
essemus moris vestri & virtutis, duo vertiginosi, vestrum per
summam amentiam Academiam Veterem & Augustam perin-
de prosternere & Scholis exuere facile putant, ac Magistrum
aliquem Scholâ Rauensi vel Duclensi propellere, Collegiumq;
tale excitare suum, quale hîc ad S. Mariam, ad S. Ioannem,
est? Nempe non esset illud, Basilicam Regiam fœdare ine-
ptiis Scholæ, vt scilicet pueri Ecclesiam frequentiores reddât,
& nomina sua in marmore sculpant Regio, vt pedore pulue-
ris Scholastici repleatur ædificium non ad hos vsus factum, vt
ex Basilica delubrum, & Ecclesia Regia hypodidascaleum fi-
at? Nam vt pro dignitate Collegium aliquod excitetis, Pa-
tres, nimium falsum est: quod enim ex nouioribus vestris
bonum? quod simile illis primis, quorum coloni ex Acade-
miæ gremio prodîere, viri gnaui, laboris & paupertatis pati-
entes, solum honorem Dei & bonum Ecclesiæ quærentes?
Nunc verò nimium degenerastis, nimium saturati estis, nimi-
um vos rerum omnium copiâ fortuna blandiens implicuit, &
plus commodorum, voluptatum & rei habetis, quàm vt ad
duram discendi primùm, demum docendi prouinciam pistri-
numque redigi valeatis. Colore solo falleris, & eo, quia nos
calumniamini apud malè credulos, non putetis vos diu posse
subsistere: color color est, quouis vento facilè mutatur, alte-
ratur, alienæ plumæ facilè excident, mouebitque aliquando
cornicula risum. Serenissimus certè Princeps eius prudentiæ
est, quâ nouit, quid de vestris studiis, quid de viribus, quid
de conatibus sentiendum sit, quid iuri, quid impotentiae alienæ
concedendum. Sed quousque ego hæc? expergiscimini ita-
que, & sentire incipite, vos Collegium Cracouiæ nullum ha-
bere, ni-

beret, nisi fortè illud, de quo olim Psalter: Beatum esse, qui non fuit in collegio malorum, qui in cathedra calumniae & contumeliae non sedit.

24. *In bonum Ecclesia & Respublica erectum ais Collegium Vobis.*

Gratulor sanè. Polona verò Respublica benè habuit hucusque sine vestra Schola Cracouia, & benè habebit, nisi aliam Rempublicam vobis imaginemini, cui aliquo modo benè esse possit à Collegio vestro. Quo verò illa ipsa Respublica Polona melius habuit, dum vos implestis eam Collegiis? quo plures ei doctos dedistis? imò quo plures verè pios? Nam extirpatio Hæresium Serenissimæ Suxæ Maiestatis Pietati & Religioni debetur; vt vos gnauius impudenter esse oporteat, dum eam vobis vendicatis, dum instar muscæ quadrigæ infidentis creditis à vobis illum motum & puluerem excitatum esse: nisi quid turbarum fortè à vestris datum sit abutentibus plerunque iis rebus, quibus boni non nisi in bonum vti norunt. Vos ergo melius habere auctis Collegiorum vestrorum prouentibus minimè dubito; Rempublicam auctiorem factam, nego. De Ecclesia non dicam hîc apud nos: videmini enim esse instar prodigorum hoc tempore, qui cum nemini prodesse possint, tum sibi minimè commodant: videmini, inquam, mihi, nedum Ecclesiæ, sed ne Religioni quidem vestræ doctos præstare. Ante aliquot annos contra vos vulgò agitatum: meliora quæque ingenia à vobis in Religionem abripi, deferri Rempublicam, parentes filiis destitui. Nunc illos ipsos, quos vobis conciliatis, tales institutione vestra fecistis, quales vobis nemo inuideat, nemo abreptos in Societatem conqueratur. Academicis enim illis floruistis; vestræ institutionis subiecta quamuis delecta in re seria quid seriò præstent, videmus: vt, è quibus magni Senatores esse possent, si in Academia instituti essent, ex iis vos in Religionem pellectis

mediocres

mediocres Iesuitas habeatis; ingentis familiæ nomine velantes
tenuitatem suam, & audaciam vestram. Ne autem inanias
vobis, Patres, dicere videar, conferte Ordinem vestrum totum
quantus quantus est, quiq; tanto constat non adeo diuiti Po-
loniæ, cum Ordine Prædicatorum, Minorum Bernardinorum,
quantò plures doctos illi habent, quàm feruentes, solidos, vt-
pote vni rei intentos, præclaros Concionatores, Theologos,
Philosophos: conferte vobiscum & cum eruditis viris illos
humiles, de quibus nihil sentimus nisi magni & boni, qui à pau-
cis annis quasi successores dati insolentiæ vestræ; quod vos
deteriore odore infecistis, illi suauitate vnguenti bonæ conuer-
sationis, innocentiae, humilitatis corrigunt & replent: illos
inquam, quorum reformatrix foemina cum vestro autore Ca-
nonizata, quos nec aspicere ipsi, nec intuitum eorum ferre vale-
tis. Vos tamen soli scilicet Ecclesiæ & Reipublicæ nati estis,
qui nihil minùs vnquam cogitastis, quàm his prodesse. Dum
verò cum eiusmodi iactatione in Academiam ruitis, videre de-
bebatis, ne vetus Schola, cuius merita erga Ecclesiam & Rem-
publicam præclara omnibus nota sunt, fiat vobis lapis offen-
sionis: metuere debebatis, ne illa sagina, quam cogitatis Cra-
couiæ instituere aliquot semimagistellorum, Coadiutorum, &
Paterculorum gregis iusti sagina esse, & non Collegium dete-
gatur; nullumque bonum aliud proferre, quàm vt contentio-
nem vestram, si quam habetis, resoluat, prorsusque vos in de-
sidiam, quâ non caretis, abijciat. Vellem ego aliquot verbis
dicere, quantum Academia nostra boni Ecclesiæ, quantum
Reipublicæ præstitit; sed pauperis est numerare pecus. Per
totum hoc Regnum amplissimum non reperietis Ecclesiam,
non Senatorium subsellium, non vilius Magistratus speciem,
in quo non floreat institutio Academica: periculosaq; com-
mutatio foret cum re, quam vos nunquam præstitistis, nec præ-
stabitis, certæ & expertæ virtutis, foecunditatis Scholæ Cra-
couensis.

25. *Hinc occasionem datam tumultus & seditionis comminisceris.*

Quod vnde exculpseris prorsus ignoro, nisi è cerebro tuo. Putas te Lublini versari, Vilnæ, Posnaniæ, vel alibi, ubi Collegium habetis, ubique ex qualibet occasione leuissima tumultus luctuosi & periculosi oriuntur? Cracouiæ ego non dubito datam occasionem tumultus à vobis, si per vires licuisset, vel si à nobis acceptata fuisset. Non primum verò hoc est inuentum vestrum, neque nouum. Anni sunt elapsi sex, cum Posnaniæ nulla adhuc Schola, nulla iuuentus Academica esset; vestriq; Synagogam Sectariorum demoliti essent & combustissent; sparsistis id ab Academicis Studiosis factum, ab iis, inquam, quorum ne vnus quidem Posnaniæ fuit. Tam estis exacti comminiscendi & fingendi artifices. Hem verò *tumulibus sanguinariis etiam causam datam.* Quicquid vos sanguinarii cogitetis & crepetis, nobis cum sanguine nihil nec fuit nec erit vnquam.

26. *Non contenti hoc Academici per Magistrum & Sapientem, ut vocant, Vniuersitatis voce alta excessionem iuuentuti à disputatione mandarunt.*

Hoc tu crimen vrges pro magno, nec tamen ita rem describis, vt fuit. Facta autem sic. Bedellus Vniuersitatis homo facetus, senex, nec aliàs magnæ autoritatis, nullius certè mandato, sed vt vel risui causam daret, vel vt aliquid de suo Protestationi Academicæ adiecisse videretur, Vir simplex & minimè malus, dixit iuuentuti Academicæ, vt disputatione excederet. Ex musca hac quantum elephantem fecistis? Primum Sapientem illum producit, vt si ex illis septem Græciæ octauus esset. Inprimis enim ait Magistrum quendam Philosophiæ submissum, qui iuuentutem euocaret: demum cum Philosophus ille nihil valeret iubendo, Sapientem submissum, abitionem Studi-

G

osis Aca.

osis Academicis imperasse. Nostris ædibus ille Sapiens nugari solet & fabellas narrare; hunc salutare, illi silentium imponere; nec indignè vnquam ferimus. Vos quia verbulum, dixit, vti delicati estis, offendimini? Vellem faciem hominis hîc, vellem vocem, vellem mores ad risum factos depingere; vt quisque vos adeò tetricos agnoscat, qui ab illo dictis locosis offendamini, cuius amoenitate magni Senatores plerunque in Actibus publicis delectantur.

27. Sed verò *excessionem* Imperator ille histricus & Thales imperauit, & quidem *nomine Rectoris sub poena Excommunicationis*;

Sub poena Proscriptionis seu Exclusionis à Schola debebas dicere. Sed esto & seriò imperasset, & sub censuris imperasset. Tu Ruscovi, solis fabris cæmentariis insuetus, tantum audaciæ habes, vt hîc dicas Rectorem Vniuersitatis excommunicandi facultatem non habere? Sed quia nomine omnium, qui symbola ad Protestationem contulerunt, loqueris, ignosco tibi ea lege, vt tuis mandatoribus & principalibus, hoc est, Patribus Societatis, qui hæc dictarunt, dicas; Imperitè eos & malignè hoc asserere, debereque aliquando ignorantiam suam & malitiam cum probro agnoscere. Malitiosè dico. Nam quid ad Patres Societatis attinet, an Rector Academiæ Crac. habeat facultatem excommunicandi, an non? quid ad præsentem Protestationem? An non est aliquis, cuius iurisdictionis est excommunicare, qui ducentis annis in hunc errorem non aduertisset? Sed postquam in calumniam omnem effusi sunt, quicquid eis in mentem venit veri falsi, ad propositum sine proposito, totum in miseram chartam contra Academiam effudere. Malitiosè, dico, fecerunt; eo enim animo iam pridem de iurisdictione Rectoria musitant, vt obsequium Rectoribus iuramento à iuuentute adstrictum abrumpant; negotiumq;

hoc pa -

hoc pacto Magistratui Academico faceſſant, & ſolutam legibus iuuentutem facilius in caſſes ſuos trahant. Quis iam cogitare poteſt, quàm malè exuto ſua autoritate Magiſtratu fenestra inſolentiæ, ſeditionis iuuenibus aperiatur? Quamuis itaq; Rector non habuiſſet illam autoritatem, vos id propalare minimè deberetis, ne quid hinc deterius ſequeretur, & vt veſtra vitia veſtroſq; errores taceri à nobis cupitis. Quàm verò imperitè & impudenter hac in parte Rectori detrahatis, ipſumet agnoſcite. Iuriſdictionem ſpiritualem qui à Rom. Pontifice habet, vel Epifcopo loci, cum excommunicandi facultatem habere ſciunt, qui elementa Caſuum Conſcientiæ diſcant. Rectorem verò Cracouienſis Scholæ ea iuriſdictione præditum eſſe, dum ſpirituſalis perſona ſit, nemo huc uſq; dubitauit, nemo ignorauit præter vos, ſcilicet indignè ferentes haberi id à Rectoribus Academiæ, quod vos in Collegijs veſtris minimè habeatis. Sed enim voluendierant Scriptores tum antiqui tum noui, & nonnulli quidem veſtri Ordinis, qui paſſim fatentur à Rectoribus Academiarum prærogatiuam excommunicandi haberi. At vos alij rei quàm literis & libris intentos, præſumptio & calor in rebus etiam planis decipit, eò periculoſius, quòd cum ſinguli vos Magiſtros Conſcientiarum profiteamini, vniuerſi tamen ita in re plana hallucinamini. An vobis ita conſuetum non aliud tractare, non aliud dubitare, quàm habeatne hic Rex, hic Magiſtratus hanc poteſtatem, vt eo modo omnes à vobis pendere videantur? At enim uerò non haberet Rector iure communi poteſtatem illam, habuiſſet iure priuo, conceſſione Pontificis, uſu perpetuo, hocque ſufficere debetis vobiſcum reputare, Patres, ne fingere, vel impudenter aliquem iure ſuo ſpoliare dicamini. Non poſſum reticere, id, quod nunc vulgatis, iam dudum vos inter iuuentutem Academicam ſparſiſſe. Cracouiæ aliqui ante annum tumultum excitabant, cuius capita fuere nonnulli ex Scholis Patrum huc profecti:

profecti : dum Rector officii sui arbitratus examinatum, iuramento, metu Censurarum adigit iuuentutem ad prodendos principes tumultus, complices. Illis ipsis discipulis Patrum Iesuitarum aliqui ad S. Barbaram persuadent, non teneri eos obtemperare Rectori, neque iuramento, neque Censuris adigi posse ad proferendum quicquam de tumultu; maleque Rectorem agere, qui in tantum vendicet tumultum contra hominem Hæreticum excitatum. Hæc res inter Studiosos palam fuit, publiceque à non vno coram iudicio narrata, nec eam Patres negare possunt, qui publicè, manifestè, non clam id duntaxat asseriebant. En quomodo iuuentutem instituitis? annon hæc semina sunt confederationum, conspirationum in Principem, tumultuum, dum Magistratus autoritate eleuata, licentiæ portam aperitis? cum potissimum quicquid vel minimum hac in parte iuuentuti conceditur, crescat in immensum, nec in sola Schola consistat, verum etiam in ruinam & perniciem Reipublice & communis patriæ erumpat.

28. *Irritum conatum illum auocandæ iuuentutis à vestra disputatione asseris vanissime, atque ut pius es, iusto Dei iudicio id euenisse autumas.*

Scilicet ut figmento tuo credatur per Poloniam, iuuentutem vobis fauere, vos quærere, optare, admirari & eiusmodi nugas meracissimas, quibus philautia repleuit. Non mirum esset, profectò, si iuuentus Bedellum hominem parui momenti non fuisset sequuta; non mirum, si ei non obtemperasset, quem aliàs deridiculo habere consuevit; & tu id, Ruscovi, hominis leuitati tribueres, si bonus esses, potius quam iusto Dei iudicio. Quod si delirare libuit, etiam miraculo euenisse dixisses, ut eò facilius te omnes nugari animaduertent. Ego verò iusto Dei iudicio euenisse dicam contrarium, & verè; iuuentutem omnem ad voculam hominis haud magni precii excitam abiisse
se præ-

se, præter illam, quæ scabellis impedita exitum non habuit, testata tamen quocunque modo potuit, se ægrè ibi retentam. Falsum ergo quod dicis, nihili habitam auctoritatem Magnifici Domini Rectoris, cum Bedelli, nullius iussu per iocum iuuentutem euocantis, mandatum plurimi fieret. Cum mihi venit in mentem, vos coram principibus huius Regni viris, nil crebrius & magis iactasse, quàm vnionem cum Academia, vt scilicet vnum corpus sub vno Capite essetis: nunc verò ita auctoritatem Rectoriam adgredimini, ita fertis voculam vnus Bedelli, qui alias in Actibus vestris esset, si vniti essetis. Prorsus video verum esse id, quod ab antiquis nostris accepimus, Concordiam quidem inter Professores eiusdem conditionis difficilem esse: inter dissimiles conditione, quales vos estis, prorsus esse non valere: inter candorem Academicum, simplicitatem, & inter malignitatem, quam exeritis, ne cogitari quidem de ea posse.

29. *Deinde finitam disputationem ais in auditorum corona frequentissima, quam locus satis amplius capere non poterat.*

Putas, qui hæc leget, non dolebit se non interfuisse tam celebri Actui: qui hæc leget, inquam, nec sciet, quid rerum agatur. Nam qui sciet, ridebit vanitatem propositam, Vos scilicet per Poloniam more vestro spargere, magni quippiam fecisse, cum nihil omnino fecissetis. Hem verò, disputatio vestra celebrata fuit in triclinio mediocri, & ducentorum vix capace, quem tu locum satis amplum dicis: in quo ad centum plus minus Iesuitarum fuit, tum familia D. Capitanei, & aliquot Canonorum Cracouien. tum vestrates Studiosi aliquot, nostrorum septem vel octo, demum famuli aurificum, ahenatorum, sartorum, pellificum, numero circiter decem. Hæc fuit tibi frequentissima & nobilissima corona; neque ego nugas re-

rum ago, sed rem ex nomenclatore, & vt numeratam habeo, refero.

30. *Præter alios verò commemoratos, infis, Magistrorum & Baccalaureorum honorifica præsentia.*

Cum diobolari aliqua & edentula anu malletm agere, quàm tecum, ita blatis, & ad singula si mouerer, tui similis nugator essem. Ex eodem itaque nomenclatore tibi indico Magistros, qui honorarunt vestram disputationem. Duo quidam Academia pulsi ob suspicionem non inanem certi criminis, vt ægrè nobis facere viderentur, prima subsellia vobis concedentibus occupauère, vtpote qui fauore vestro crimen & Proscriptionem tegere vellent; vos præsentiam illorum pro Academico- rum honorata præsentia vendicaretis. Et hæc fuit honorifica, vt dicis, assistentia Magistrorum; atqui illorum ipsorum vnus aliquot diebus post in facinore, ob quod Academia pulsus fuit, deprehensus, nisi manibus familiæ elapsus esset, sua honorifica præsentia carcerem ornasset; metuendum, ne du- riori spectaculo fuisset. Vana hucusque & non vera; Se- quuntur falsa magis & calumniosa.

Alumni seu Studiosi Academia, ipsis benè noti, ad in- crementum inchoati tumultus, & multiplicis iniuria, sapi- us Theses Philosophicas & Theologicas, à portis dicti Colle- gii & Templi Sancti Petri violente ac tumultuariè, iniu- riosèq; cum scandalo Hereticorum & Catholicorum a- uulserunt, lacerarunt, combusserunt.

Nimiùm obesæ naris sit ille, cui non innotescat, quid hæc sibi velint, quoque animo dicantur. Singula percurro.

31. *Alumni ipsis benè noti.*

Quia falsum satis asserere non poterant Patres, incertis & ge- neralibus verbis inuoluunt, ex quibusque patet, non veritatem illos

illos, sed commentum suum malè excogitarum, malè concoctum dicere. Illi ergo ipsis benè noti, nempe sibiipsis benè noti, non cuiuspiam alteri, vel certè Vniuersitati toti, quanta quanta est, cogniti, vobis verò ignoti proculdubio. Si ita, qui scitis alumnos Vniuersitatis fuisse? qui asserere audetis eos fecisse, quos non nostis? quomodo hac in parte conscientiae & fidei vestrae consulatis? quis vos vindicabit, ne calumniam puerilem & fatuam dixisse videamini? quid si figuli famulus abripuit chartam, vt ea lithargyrum inuolueret? quid si pharmacopoei seruulus ad alium vsum? alumnus Academiae dicetis statim fecisse, & quidem eò facilius, quia ad nominandum & demonstrandum autorem facti non adstringimini, nisi vt generali calumnia ab alumno Academiae factum dicatis.

32. *Ad incrementum inchoati tumultus Theses auulsas* ais.

Etiame incrementum? vt si de tumultu iam facto constaret, qui postmodum incrementum caperet; hoc verò incrementum cum tumultu suo planissimum vestrum figmentum, & incrementum malignitatis est. Debebatis vobiscum reputare, tumultum rem capitalem esse, publicam, & debere omnibus de tumultu constare, quàm eius aliquis autor accusetur. Vos, cum Cracouiae de tumultu ne somnium quidem esset vsquã, tumultus Academiam accusatis, qui nunquam fuit.

33. Hæc ego aliàs; nunc ad *auulsionem Thesum* venio.

Eam verò nemo hucusq; pro iniuria accepit. Publici quippe iuris sunt hæc programmata vel legentium, vel accipientium dum lecta sunt, vt loco auulsarum noua substitui passim moris sit. Vos verò noui Dictatores admirandam nobis Præturam hic geritis, perduellionis & tumultus auellentem condemnatis. Albi Prætoris corrupti poena est iure non adeo grauis, licet
illud

illud publica autoritate fulciatur: vestrarum verò Thesium, nulla autoritate affixarum, abreptionem non immeritò impunem quis credat: oportere vos deducere primò, quo iure affixistis, quoniam iniuriâ refixas protestamini. Quærite verò iam (etiamsi aliquid iuris haberetis, quod vobis non concedo) ex Ordinibus Religiosis huius Ciuitatis, quoties disputant, an Thesium affixarum refixione moueantur? an ad Protestationem eiusmodi recurrant? an eo statim tumultus aliquem insimulent? & non potius vel leuitate, vel curiositate alicuius factum prudenter dissimulent? Vobis verò naturale est, qualibet occasione tumultum insinuare, idq; iteratò & iteratò dicere; quòd si vires adfuissent, contra Academiam fecissetis.

34. *Sequitur multiplicem illatam iniuriam Societati auulsione Thesium.*

Ita superbi facere consueuerunt, rem nullius momenti pro iniuria capere, eamque cum suo fastu comparatam multiplicare: Vnde vos Patres non multiplicem debebatis dicere sed sexcentuplicem, atque adeo millies mille multiplicatam. Quæ tamen illa iniuria sit, Ruscoui, tu nunquam edifferes, ut alio Cicerone hîc opus sit. Ego verò illos, qui hæc vestra abripuerunt, meritò fecisse aio. Si enim hederam pendentem auellere cuius licet, si ea ibi pendeat, vbi vinum non est venale, neq; eius vendendi facultas: profectò, qui hederam Thesium vestrarum indicem Scholæ, Collegii, quod non est, nec esse potest, auulsit, non immeritò fecit. Loquebantur illæ quippe Theses falsò transeuntibus, Collegium hîc esse Patrum, esse Studium, esse Disputationem publicam; loquebantur cum detrimento Vniuersitatis. Non immeritò igitur eas puniuit, qui tanquam falsos indices suo loco tulit.

Hîc verò exaggerationes tuas, Ruscoui, prorsus Rhetoricas & vrgentes rem quis non admiretur? ais enim,

35. *Violente, tumultuariè, & iniuriôsè abreptas.*

Dixisses aliquid amplius, sed tibi verborum copia desuit, imò ultra hæc non poteris quicquam grauius dicere. Violente chartam abreptam, est quòd indignetur aliquis, summa vi scilicet adhibita, vtpote quòd illa fortior quolibet chalybe esset. Si fundamentum ædis columna à quopiam subuertatur, id verò violente fieri solet; chartam lacerari absque violentia commune est. Sed vos augere calumniam modo dicendi incon-
sueto volebatis; si aliquem inueniretis æquè fungum, vt vos hic estis.

36. *Eiusdem farinae est, tumultuariè.*

Aliquot millia hominum Ciuitatis agmine facto, vi armata, aggressi sunt Theses vestras, & quisque illorum cum litera, syllaba, verbo, versu pugnavit, vt sese cuiq; obtulit alea prælii. Dicam quod res est, vt ingenuus sum. Transiens fortè, speciem huius tumultus vidi; tres pueruli, quorum natu maximus erat annorum sex, secum conferebant de charta Thesium vestrarum habenda, seseq; ad eas aggrediundas excitabant, nisi vnus eorum diceret, se vidisse vnum Iesuitam latentem ad postes scuticâ armatum, qua exciperet inuasores Thesium, remque postmodum aduerti sic se habere: Vnus quippe vestrum ad postes occultus stabat, puerili ferula instructus, qua seditionem illam auerteret. En vobis tumultum, quo nunquam maior à Cracouia condita extitit, in quo compescendo tantum adlaborarunt omnes Magistratus huius Urbis, nec res componi potuit sine sanguine, cæde. Sed tu, ô bone Protestator, post exhibitos hos montes nobis, immemor tui (quod tibi creberrimè inter protestandum accidit) parturis murem, ridiculum; post violentiam enim & tumultum, quanti capax esse potuit laceratio chartæ vnius, rem totam reducis ad simplicem iniuriam.

H

37. *Iniurio*

37. *Iniurioseq; inquis abreptas Theses.*

Iniuriose ædepol dicis, tibiq; iniuriam facis hoc verbo in tantum à te detricto, & ornatui orationis tuæ, & veritati. Vt quid enim illam iniuriam aliter eloqui non vales, quàm vt iniuriam & iniuriam vocites? Scholæ vulgò habent iniuriam, quandam esse datam, quandam acceptam; hæc tua non data à nobis, sed à vobis accepta.

38. *Cum scandalo Catholicorum & Hæreticorum subdis.*

Si hic scandalum vllum esset, non aliunde proueniret profectò, quàm ex manifestatione facti: rei enim occultæ & ignotæ nullum est scandalum, & tantò magis, si ille, qui vulgauerem, scandali nomine indigerat. Hoc verò est quod fecistis, cum rem leuem in tantum vulgastis & auxistis, vt si omnibus vobis caput perfractum esset. Esto verò, fuerit hoc scandalum, eius verò causam Academia non dedit, iure suo & defensione vsa, sed vos, qui ius alienum inuaditis, atteritis, abripitis. Putatis verò rem scandalo carituram, cum calumniæ manifestæ, contumeliæ & vanitates vestræ, quibus conficere Academiam credebatis, in publicum proferentur? Quoties enim hucusque mille scandalis hac in parte fores aperuistis, cum per cathedras, pulpita Ciuitatis apertè perplexè, directè obliquè, clàm palàm, innocentissimæ Scholæ honorem proscinderetis tacentibus nobis, & nunc demum, cum ferrum iugulo infigitis, criminis grauissimi accusatis, ad defensionem necessariam adactis. Creditis Ciuitatem hanc ignaram esse vestrarum artium? Cum enim aliàs crebro scandalo fuissetis, tum hic videns iniquitatem conatus vestri, cum pompam illam inchoati Collegii tanto apparatu cogitassetis, tanto sumptu instruxissetis, tanta vanitate ab aliquot mensibus deprædicassetis, deseruit vos Triumphum agentes, abhorrens à cogitatu vestro.

vestro, quò aliud agebatur, aliud finge batur; finge batur religio & pietas, agebatur rei alienæ inuasio, occupatio. Vos interim pro consolatione, pro strepitu Scholarum, ad boatus tormentorum recurristis, quouis prudentiore secum recogitante, dare pœnas Patres Cracouiam conuocatos vna vice tot scandalorum, quot hucusq̃ue fecerunt.

39. Quid verò de his Thesibus actum, tu, omnium Oratorum maxime, exaggeras, *auulserunt?* crimen, *lacerarunt?* scelus. *combusserunt?* facinus.

& vna charta quidem tot suppliciorum capax fuit, mi Rusconi. Non debebas tu dicere, combusserunt; sed pro firmanda illa multiplici iniuria, aliquid de illis fecerunt: combustio enim non in probrum vestrũ facta fuit, sed Triumphum. Nam cum exemplarium aliquot millia excudi curassetis, vt sperabatis solennitatem disputationis: postquam sola ducenta expendistis, quod reliquum erat, Triumphali rōgo faciendo à vobis impentum est. Sed ego alicui nugari videor tecum, & te autore. Hucusq̃ue calumniæ eiusmodi, quæ plus ioci & puerilitatis haberent quàm noxæ; nunc atrocissimæ & audacissimæ sequuntur. Sed ô summa veritas, quàm magna est iustitia tua, quæ calumniantem ipsius ore conficis, improbitatemq̃; in caput improbi refundis, &, vt alii nocere cupiens seipsum in laqueum conijciat, efficis! Si vnquam huius rei exemplum visũ, hic certè, dum manifestò ignis labiorum vestrorum, quem in testâ Academica conijcere volebatis, in vos decidit: & quod hucusq̃ue vagis rumoribus spargebatur, vos nocendi esse audos & calumniandi; hoc exemplo demum planum, manifestũ, & extra omnem controuersiam erit.

40. *Domicilium itaq; ad S. Petrum lapidibus sæpè nocturno tempore impetitum ab Academicis.*

Admirandam patientiam vestram! Contigerat aliquando puerum.

erum nobilem in vicina Academica æde versantem, lapillum
proiecisse in impluuium Patrum, ea re neminem læsum fuisse,
nihilq; actum, quod iura viciniae afficere posset: quantas tum
querelas, Deus bone, exciuerè, quas non accusationes, gauden-
tes datam sibi occasionem conquerendi! Poterat quidem tum
temporis (nam res à tribus annis circiter acta est) obijci Patri-
bus, eos fouere in eadem domo iuuenes petulantes, qui iaculis
confixerunt copulam D. Petri tum temporis recentem, in pe-
riculumq; adduxerunt, ne corruat, incidente pluuià inter tegu-
las æreas & asseres ligneos, mirumque id Patres potius curare
debere, quàm vt iactu lapilli offendantur. Sed quia hæc ad
nos non spectabant, vapulauit nobilis puer, seuerissimeque
prohibitum, ne quis vnquam in posterum iactu lapillorum in
vicinia Patrum luderet. Quòd si ita Patres exarsere olim ob
iactum lapilli, quid iam non fecissent? annon implessent vr-
bem eiulatibus, non cathedras querelis, annon asseruassent la-
pides illos, non attulissent in conspectum S. R. Mtis? Quid
verò verbi est illud, *sapius proiecti*? numerari debebant; si vnus
semiuncialis tanti habitus, proferri conueniens erat, quid da-
mni eis datum.

41. *Sed nocturno tempore*, scilicet vt calumniator
hoc ipso se falsum dicere conuincat. Iurisperiti testem, qui
aliquid se vidisse noctu & per tenebras dicit, non immeritò re-
pellunt, pro falsoq; habent. Tu eiusmodi es, per tenebras vi-
disti, noctu speculatus es Academicos fundis lapides iacentes;
addidisses (cum D. Doctore loquar) dormientes Iesuitas id
duntaxat speculatos esse. Dormientes testes adhibes? verè tu
ipse obdormiisti, qui in profunda versutia & malitia demerge-
ris, cum hoc dicis.

42. *Tandem fenestras aliquot iis violente & studio
nocendi iactatis confractas quereris.*

Quid

Quid ad hæc? nisi falsa esse & improbè conficta, eoque facili-
us iactata à vobis, quia probationem effugiunt, cum circum-
stantiis locorum, temporum, qualitatis, personarum minimè
describantur, sed tantum iactentur & spargantur. Fenestras
verò seu specularia confracta libenter à vobis dici audimus;
habemus enim hinc magnam occasionem agendi contra vos,
cum non exigua parte Ciuitatis, qui bombardarum gemitibus
maiorè partem vitrearum in vicinia loco emouistis, conquis-
istis. Confractæ vobis fenestræ? Non tantum vobis, sed
vicinis ferè omnibus, vt communem iacturam leuius ferre de-
beretis. Quærite ex vicinis vestris, quotquot sunt, an Schola-
res illas vitreas confregerint? si annuent, habebitis testimonia
virorum proborum, quibus conuincatis nos. Sed ego probè
scio, illos dicturos, Iesuitas dum imperitè, importunè maiora
tormenta in angustum platearum deducta explodunt, non tan-
tum fenestras confregisse, sed etiam ædium fundamenta loco
emouisse. Ita dicent herculès viri probi & animum calumni-
andi non habentes, Vobis interim egregiis Religiosis errorem
& factum vestrum in calumniam alienam conuertentibus.

43. Sed vt figmentum augeas? *lapidibus violente*
iactatis, quod verbum ita detriuisti tua Protestatione,
vt iam vix vllum habere videaris, cui potius calumnias tuas,
veritate tamen ita volente, ineptius inniti velis. Catapultis,
puto ego, ballistis, ingentis molis lapides immisos in vestra te-
cta pluuisse, omniaque pertudisse, aliquem vestrum interemisse,
vnde ille animus nocendi colligatur; quin imò tumultum in
Patres excitatum, lapidum vi promotum. Hæc verò tam ve-
ra sunt, quam tu tibi constas, cum ea refers. Equidem diligen-
tè specularibus, vtum vel vitrum in vestrarum ædium fene-
stris confractum esset; nullum prorsus tum visum, idq; eo fa-
ctum, quòd præuidentes tonitrua bombardarum eis nocere
posse, omnes vel mouistis loco, vel aperuistis, vt illa clades

confractiois à vobis transierit ad vicinōs ignorantes, quo pacto vitreas suas à bombardis vestris tueri deberent. Dic iam ergo Ruscoui, fenestras fractas ab Academicis, quæ à vobis calumniæ intentis facilius confringi poterant: dic fractas à nobis, quas ipsi confregistis. Sed ut calumniæ tuæ & falsitatis summum apicem consequaris, dic fractas è platea publica, quæ omnibus plateam publicam transeuntibus integræ prorsus visæ. Multiformem ego calumniam audiui, vitream, qualem hîc machinati estis, & quidē fractam, nunquā audiui hucusque. Postquam viderunt nostri Protestatores sibi non succedere commenta de lapidibus iactis, de fenestris fractis; relapsi sunt ad antiquam cantilenam.

44. *de Thesibus valuis Ecclesiæ affixis per Academicos annullis.* Sed quia hoc leue videretur, miro artificio (ut ipsi putant) Criminationem augent, perfrectaq; prorsus fronte exoticum & inauditum nescio quid sceleris in Thesium reflexione comminiscuntur. Ut verò dicam, quod veritas est; nemo in Academia scit, quis, cuius iussu fecerit id, quod quærentur; siquid detulissent, accusassent, suâ poenâ non caruisset. Oro vos Patres, cur non indicastis? cur non detulistis autorem facinoris potius, quàm ad foedas huiusmodi Protestationes deuolueremini? Factum à vobis esset, quod à viris probis fieri consuevit, qui ab hominibus alieni iuris offensi primùm administrationem iustitiæ petunt; si dominus superior eam facere recusarit, demum accusandi eius facultatem se habere arbitrantur. Idem ratio naturalis, idem omne ius à nobis requirit. Porro si quis dominum reum faciat facti, quod eo inscio puer, seruulus, discipulus fecit, calumniatorem illum & insigniter malignum esse oportet. Quis iam hîc probitatem vestrâ, Patres, quis candorem, quis animum, quo hæc funditis, non perspiciat? Fecissent pueri id quod dicitis, fecissetis vos id quod vobis incumbibat, accusassetis: nisi vapulassent, demum differen-

differtendi erant Protestationibus famosis Academici. Sed vos capita Academiae per infaniam summam petere vultis crimine puerili, & quidem falso, probè scientes, duntaxat id quod fingitis nunquam vos praesentes contra praesentes pueros nostros probaturos; à remotis autem & malè credulis vestris artibus faciliùs fidem commentis & calumniis vestris habendam. Age ergo, Protestator, Theses abreptas iterùm quereris. Iam respondi, nugas esse. Sed tu rem auges.

45. *Cum altiori loco affixa fuissent, quodam instrumento ferreo impetu facto illas abstraxerunt.* Prorsus inscitus & rudis commentator es. Quid malum illius ferrei instrumenti est? ariete, ballista, scorpione, catapulta, impetu facto Theses abstraxerunt? nesciebas nominare illud; nam ne Vitruuius eiusmodi habet, sed à Mathematicis Cracouiens. excogitata est machina ad Theses vestras auellendas. Quantus terror, putas, Ciuitati fuit, & debebas scribere, cum seditiosi plus mille molem illam ferream mouerent ad postes aedium S. Petri, vt Theses adimerent. Vides tuam imperitiam & nugacitatem, vtque magis videas, cum vos terrorem huius instrumenti deprædicaretis, inquisitio sedulo habita, quodnam genus instrumenti illud esset, quod centum quinquaginta Iesuitæ conuentu factò nec describere neque nominare latinè potuerunt: tandem compertum, vncinum ferreum puerulos adhibuisse, quo vulgò mulieres ex cisternis Ciuitatis aquam capere solent. Equidem, Ruscoui, hæc ita referebant mendici illi, qui ad postes S. Petri desident, ita nominabant instrumentum; Tu si nominasses, metuebas ne deridiculo fores.

Demum auges atrocitatem facti falsitate, qua sub hoc Sole nulla impudentior & virulentior magis, tum inepta & sese prodens.

46. *Hoc non contenti, alias Theses auulsarum loco fortius affixi*

tius affixas maiore vi & impetu aggressi, luto ac sordibus consperferunt, tanta violentia conati eas auellere, ut etiam in ea violentia lapidem è templi interioris pariete tumultuariè extruserint, alioqui validè adhaerentem muro & benè impactum, cum magna Dei inprimis, Sacrificii Missæ, Sacri loci, Regis Serenissimi, iniuria & contemptu.

Maledicat vobis Summa veritas, parietes dealbati. Ego credo, vos calumniarum lernam alicubi reperisse, & ex ea nocentissimas quasque delegisse, quibus Scriptum hoc infarciretis, & Academiam impeteretis. Excoecauit vos, qui hæc vobis instillauit, Princeps mendacii, excoecauit, ne ea videretis prorsus, quæ manifestò falsa & ficta à vobis vel pueri aduertēt. Ab Athanasio olim Magno occisum Arsenium, & vim illatam, mulierculæ Arriani calumniati; rei veritate euidentè detecta opprobrium calumniæ retulère. Idem vobis oppidò fiet, qui contra lucem, ipsam facti euidentiam & communem hominum notitiam hæc spargitis. Loquimini iam ut cœpistis.

47. *Alias Theses auulsarum loco fortiùs affixas maiore vi ac impetu aggressi.* Comparas postremam vim & impetum cum antecedentibus, maioremque asseris; vel hoc certè nobis explicabis: nam iam secundò hanc cramben coquis. Dixeras ergo priùs, violentè, tumultuariè, iniuriosè auulserunt, lacerarunt, combusserunt: nunc, maiore vi & impetu aggressi quid fecerunt? luto & sordibus consperferunt. Dii vos magni & minuti, Patres, quanti nugatores estis! Sed verò non hic terminus.

48. *Magno impetu, inquis, aggressi & auellerè conati lapidem extruserunt.* Qui hæc attentius leget, videbit proculdubiò, maximè qui affixas Theses, & locum lapidis (quem vos ipsi extrusistis) considerabit. Cur, rogo, vos o-

Vos omnium mortalium optimi & innocentissimi, subticuistis hic, cui rei affixæ erant Theses? vt scilicet aliquis secum reputaret, affixas fuisse lapidi extruso; nam si postibus affixas dixissetis, minùs efficax esset illa vestra calumnia, de turbato Missæ Sacrificio, postibus plurimùm à loco confluxus populi, & celebrationis Missæ remotis; illa verò de lapide auulso exoleret. Postibus ergo ligneis loco alto extra Ecclesiam ad quinque cubitos à terra Theses adfixistis, id negare non potestis; manent enim etiam nunc integræ, adglutinatæ tabulæ, quam cum postibus confixistis. Producamus iam in profectum crimen nostrum, & vestram calumniam, cuius vos ita fabulam agere instituistis, vt primas partes eius obtineret accusatio nostri ad Serenissimũ, quasi nos suum Regium ædificium, inuassemus; secundas, criminatio Hæresis, quasi nos deteriores Sectariis, & Sacrificium, & locum Sanctum contempnissimus; postremas habere debebat odium nostri per totum hoc Regnum. At ex hac comœdia contrarium quid habebitis, cum in ea libido fingendi & calumniandi ostendent, Vos omnium mortalium summè improbos & malignos esse. Pergamus autem. Quis ille impetus fuit, quo adgressi sunt Academici Theses, sex vel quinque cubitis à terra distantes? vel gigantea statura illis hic opus fuit, vel tibi aliquo ferreo instrumento, quo illas aggredierentur. Tandem autem magno impetu auellere conati scilicet à postibus; id autem factum postibus immotis cardine, quod verum esse testabuntur illi pauperes, qui ad apertas fores sellulas suas collocarunt tum temporis. Iam cõfice figmentũ tuum de lapide extruso, A postibus auellere conati sunt chartam extra Ecclesiã, & extruserunt lapidem in interiori pariete; postes non mouerunt cardine lapidẽ tamen intra Ecclesiam extruserunt? Extra Ecclesiam stantes chartã discerpere tentabant, & intra Ecclesiam è pariete aliquot cubitos à postibus distante, ingentem lapidem extruserunt. Scilicet id

et id, quod nemo vsquam mortalium somniauit, hominem a-
libi existentem alibi operari, demum nouo miraculo euenit. !
Scilicet vos ebrios sed non à vino, quin potius à poculo eius,
quæ sedet super bestiam coccineam, datque superbis bibere de
calice mysterii sui, lapis iste de pariete clamat. Arriani calu-
mniatores Athanasii mortuo manum absciderunt, dicentes
eam ab Athanasio præsectam; Vos lapidem loco emotum
circumfertis, impudentissimè iactantes à nostris extrusum.
Sed autem, Ruscoui, *lapidem firmissimè impactum*. Debebas e-
rubescere hæc proferre, qui Procurator ædificii illius es, tam-
seguiter te ad operas artificum aduertere, vt lapides ad char-
tam amotam sequantur, nec alia vi opus sit ad mouendum æ-
dificium illud, quàm quæ in charta laceranda adhibetur. Vel-
lem ego te audire Historiam facti huius, causas, & rationes e-
differentem, profectò diceres (vt non malus es) te scire illum,
quidem lapidem aliâ causâ emotum: sed Patres in Concilio ita
iussisse te protestari, dicereque id quod falsum tu esse sciebas.
Sed si illi Patres lapide nos conficere putabant, non vnum dun-
taxat afferre in medium debuissent, sed plurimos, qui intra v-
nam hebdomadam diuersis partibus Ecclesiæ exciderunt, cum
tremere tota Basilica illa, & rimas duceret à Thesium abre-
ptione. Sed veritas secus se habet: cum enim vos ad octo mu-
ralia tormenta sub ipsum templum induxissetis, eaq; imperitè
onerassetis, explosissetis, non tantum ædificio vestro, sed vi-
cinis circumquaque causam extrusionis multorum lapidum, i-
mò ruinæ dedistis. Multi hæc de re conquesti sunt apud Pro-
consulem Cracouien. sed inter multos vir nobilis, qui videns
domum suam concuti, tremere, & ruinam minari, metuens ne
quid ei deterius eueniret à bōbardis vestris, iussit tormenta in
forti producta abduci: vos hac occasione gauisi, ea sub ipsi
templum deduxistis innumerisq; vicibus explosistis. Interro-
gate Copulam illam vestram, dicet vobis, dum fulcimenta adi-
metis, quàm benè à vestris bombardis habuerit: interim nos

lapide vno convincere apud S. R. Maieſtatem vultis, qui deſumptu ingente & Regio, laſciuiâ & petulantia ludos facitis.

49. *Postmodum 17. Iulii, dum in Ecclesia SS. Petri & Pauli inchoata eſſet diſputatio Theologica.*

Iam tertio magna nomina vocas ad vanitatem, quæ vobis conſuetudo in re ancipiti & periculosa, veſtra vitia magnatum titulis velare. Quodque agyræ & circumforanei Medici ſolent, quam reputationem habere non poſſunt artis nomine, eam testimoniis & diplomatis pictis diuerſorum venantur: idem vos facitis; & vellem equidem vobis id quamoptime cedat, niſi eo in perniciem alienam vramini: Vtinam, vani ſitis vobis ſolis, vtinam confidatis (quod nec Chriſtiani, nec Religioſi eſt) in potentia humana; vtinam vel Sciani apud omnes Principes dicamini: noſtrâ nihil intereſſet, quicquid dicatis, ſcribatis, faciatis perperam venandi fauoris humani ergo, dum nos quietè à vobis viueremus. Sed cum magnos veſtros, vt putatis, in terrorem & damnum alienum accerſitis, videte ne mundus, quem ſpecie contemptus vtraque manu preſentis, vobis illudat aliquando, incidatisque viri Religioſi in foueam, quam prudentes aulici meruunt & declinant. Nunquam quippe alienum infortunium quæſiuit vllus ſine periculo ſui, dum illud quæſiuit gratiâ vel irâ hominis: Vos ipſi vobiſcum numerate, quot procellis, quot fluctibus iactati eſtis, non aliunde ortis proſectò, quàm ex illa gratia magnorum, quâ vos ſtare arbitrabamini, quàm ex foelicitate veſtra. Vnde non eſt, quod nobis in poſterum obijciatis Illuſtriſſimos & Reuerendiſſimos, quum nos abſque illis ſecurius ſtare, & viuere arbitramur, dum modò eis reddamus id, quod eorum eſt, honorem, obſequium, & reuerentiam.

50. Veruntamen quid tu de poſteriore diſputatione? eam habitam in preſentia Illuſtriſſimi & Reueren-

*dißimi Episcopi Laodicensis, Suffraganei Cracouiensis,
Illustrissimi D. Capitanei Cracouiensis, aliorumq; Cano-
nicorum Ecclesiæ Cathedralis Cracouiensis.*

Miror ego, quòd hos Canonicos saltem Illustres non dixeris, nisi eò feceris, quòd paucissimi adfuerint. De reliquo auditorio planum est te fingere & nugas meras agere; nam præter hos nemo illi disputationi adfuit, nisi mulierculæ aliquot, non Studiosus, non Magistellus præter illum, quem tibi suprà dixi, non Religiosus, omnibus à nugis vestris ad deuotionem Patrũ Discalceatorum concurrentibus, insignemq; desolationem in Ecclesia atq; adeò Disputatione vestra relinquentibus. Propior res fuit miraculo; nam cum impudentes, vt soletis, vulgassetis, Academicos vi impedituros Disputationem, vt vestra conuinceretur impudentia, nemo vel minimus ex Academia adfuit illi Actui, præter eos, qui Protestationem detulère.

51. Tum relaberis in tua antiqua, protrita, putida. *Occasione Congregationis Prouincialis, qua tum finem accipiebat, & non aliam ob causam Disputationem institutam.*

Inter hæc tamen vt ostendas te falsum dicere, ponis Rectorem Reuerendum (si Diis placet) Collegii S. Petri. Næ tu impudens es! quot Reges sunt in hoc Regno? quot Scholæ Regiæ? quot Academiae? quot Collegia in hac Vrbe, vt alium Rectorem mihi pingas præter eum, qui est in Collegio Vniuersitatis? Vides hac de sola re vobiscum agi posse acriter & meritò inuasoribus honoris alieni, vides poena falsi vos teneri, qui Rectores & Collegia ficta spargitis, vides te occœcatum prorsus cum tuis blatire id, quod velles esse, quod tamen non esse in rerum natura & omnes sciunt, & tuipse excusas. At mihi venit in mentem, Collegia varii generis haberi in hac Vrbe, sartorum, futorum, iisque Rectores suos esse: si ita sentis, abi, vicisti. Reliquiæ Protestationis tuæ facile euerti possunt.

52. Quòd

52. Quòd *Academici venerunt aucto suorum numero*: puta tanto, quanto possent facere tumultum, & sustinere accersitum à vobis satellitium? Sed enim subdis, *nova Protestatione turbarunt*. Hoc verum est. *Exclusionem auditorum per Sapientem*. Hoc falsum. *Violantes pacem publicam & immunitatem loci Sacri & Disputationis quietem &c.*

Videte, quantilli Patres quanta verba funditant, quàm ex parua nebula ignis, grando iterum prorumpit, imò fulmina contemptus Dei, Serenissimi Regis, scandali auditorum, ex eo quia Academici contra Iesuitas protestati sunt! Te equidem, Rusconi, iam pridem egressum Scholam non miror oblitum esse, quomodo illationes & consequentiæ faciendæ sint: at Patribus tuis dices, iam dudum conuictos esse nugacitatis, calumniarum, contumeliarum, vteis hæc tam atrocia nullo fundamento innixa credantur. Scirent illud fabulatoris, Poetam semper præsumi Poetam esse, atque adeò uersus & figmenta scribere. Et scilicet de Theilibus vestris labor superis, ea cura quietos sollicitat.

Epiphonema Protestationis horrendum esset, nisi secundò in Protestationem veniret. Nam vos cum non satis haberetis calumniarum, quibus Scriptum infarciretis, quas acriores putabatis, eas geminastis & publicastis.

53. *Magna occasione per eos data ad seditiones, & tumultus, & cades*, inquis Suspendo votiuam tabellam Ioui Liberatori; nam hucusque tumultus excitatos & factos aiebas, nunc ad te rediens, tantum occasionem datam, conquereris. Rogo te autem, quo loco, quo tempore species vlla tumultus à te conficti visa? quis audiuit ab vllò huius Ciuitatis incola de tanto malo? quid Magistratus egit, dum tan-

tum incendium seditionis inter Patres & Academicos glisceret? Atra bile laborantes, cum soli sunt, maximè existimant se à militibus circumdari, turbari, agitari; eos paudent, clamant, accersunt in auxilium vicinos. Id vobis euenit, Patres, planissimè; nam cum deserti essetis à tota Ciuitate in pompa D. Ignatii, cum in Disputatione habita ad S. Petrum vix quadraginta auditores haberetis, tum temporis tamen tumultum vobis fingebatis, armatos circumstantes imaginabamini. Sed id dicitis fortè, quod volebatis videre, cuius occasiones non leues dabatis, vt scilicet sic re transfuersum aëta inter vos & Academiam ad concordiam speratam deueniretur, & vt Academici abuti iuribus suis viderentur, neque vos turbarent in posterum. Quæ omnia præuidit prudenter Magistratus Academicus, & præuidet etiam nunc, si cum vestro Collegio standum est, omnes huc tumultus Vilnenses, Lublinenses, Posnanenses, transferendos, & Patres nihil acturos, quàm suam innocentiam semper testaturos, tumultusque causas in Academicos ita relaturos, vt nunc tumultus nequaquam facti eos accusant, vt vitra, quæ ipsi confregère, lapides, quos ipsi extrusère, sine omni pudore ab Academicis extrusos asserere audent. Vtinàm vobis, Patres, aliquando verecundia sit propitia, vtinam discatis, homines in hoc Regno non posse clam esse improbitatem vestram. Ad tumultum redeo. Tumultuata est iuuentus nostra ipsa die; frequentissima enim in Ecclesiam B. Michaelis Patrum Discalceatorum confluens, ad Deum preces ardentissimas fudit, vt à Ciuitate hac lucem morbi, ab Academia, criminatorem auerteret perniciem. Equidem exaudita est oratio innocentum pro parte, vobis in Protestatiuncula vestra ita confusis, turbatis fingendo, vt quid, quorsum, quomodo dicatis, prorsus nesciatis. Cum enim excœcati, Academicos Rigeneses putabatis vel Gedanenses, & quibus telis vti consue-
stis in homines Hæreticos, cum exiguo nunc successu iis contra nos

tra nos vires experiri voluistis; improbè sanè, cum iuuentutem tumultus arcessitis, certè eò quòd ad ornandum diem Festum B. Teresiæ solenni & spectando apparatu frequentissima concurrisset, quòd vocibus festiuis impleisset Ciuitatem, quòd ignibus artificiosis exornasset Triumphum. Tumultus is erat, sed qualis in cœlo laudantium Dominum, feruentium charitate æterna: voces illas, gestus, applausum, feruorem expresseit amor Sanctæ, & pietas candorque Religiosorum Discalceatorum in Scholam hanc: Vobis interim lætitiâ communem & sanctam pro tumultu accipientibus, & malis oculis probitatem alienam aspicientibus. Hæc vobis occasio ad cædes data, hæc ad perturbationem pacis priuatæ & publicæ, hæc insuper ad famosam Protestationem, in qua de tumultibus dixistis id, quod fecissetis, non quod nos vnquam cogitauimus.

Poteram quidem breuiùs Protestationem vestram perstringere, & tribus verbis respondere; quicquid dicitis in ea, falsa, calumniosa & inania esse: sed quia scio eam quoquo versus per Poloniam sparsam habituram suos commentatores, interpretes ex Ordine vestro, ideò vt ne ei genuina & sua propria deesset interpretatio, hîc eam dispungere & notare breuissimè volui. Quòd si aliquando acriùs quippiam dictum à me, quàm vellem, id extorsit defensionis necessitas. Patribus

valedico dicto Beati Hieronymi. *Benè, quòd malum*

non habeat tantas vires, quantos conatus; perierat


innocentia, si semper nequitia iuncta esset poten-

tia, Et totum quicquid cupit calu-

nia, praualeret.

✠ (+) ✠





Varsanum 1626. 26 Febr.


Audire dixisse R^m Legatum h^o verba: Habebant
scripta pro suo favore sententiam: Si h^o ita sunt
requiro iudicium. Nam animum ducit sedem summam
ad favores inclinare. Christus est Veritas, Via, Lux
Vicarius igitur Christi est Vicarius Veritatis, Veri
atq; Lucis. Respectus ad personas quascunq; aut fa
vorem habere fertur displicere. Sciunt autem h^o mu
dum iudicaturum de iudicio aut Rotae aut summi
Pontificis. Si quid diversum fiat, lapides etiam clama
bunt. Vincere nobis ne sanctus quidem Paulus per
suaserit, qui sumus artes omnes sapientias tam probe
quam septuagenarius aliquis sapientia, aut et plus. Re
velabatur aliquando intueri nos Philosophum et
id considerabimus: Eius, Unum, Verum, Bonum converti.
Magno intervallo distant Unum et Vnum. Vnum est
Unum. Vnum multa continet. Luxus d^o animum
appetit, Unionem appetit. Vult enim carnem ang
in seipsum hoc est lupi carnem converti. Multa h^o
Vnum exemplar per occasionem tradit R^m Legato.
Vale. Curonus 26 Febr. 1626.



SIN e CERE monis
Si quid habes lesu vita ne gram tibi partem
Qui socium fingit latro raper rapit.

Gdy na Gmh
Ja edlt Bll
pa p ranyk
wzgn Bona
Mie Vied X Slaw
legi in dca
notu
fiam larela
mudi

Biblioteka Jagiellońska



stdr00000560

Biblioteka Jagiellońska.

